

針灸大成

針灸大成卷之二

○周身經穴賦

百症賦

標幽賦

席弘賦

金鍼賦

王龍賦

通玄指要賦

靈光賦

蘭江賦

流注指微賦

周身經穴賦

醫經小學

手太陰兮大指側。少商魚際兮太淵穴。經渠兮列缺。孔最

兮尺澤。俠白共天府。為鄰雲門與中府。相接左右共二

手陽明兮。大腸之經。循商陽兮。二三而行。二間也三歷合谷

陽谿之腧。過偏歷溫溜之濱。下廉上廉三里而近。曲池肘

髃五里之程。臑髃即臂臑上於巨骨。天鼎紆乎扶突。禾

髃唇連迎香鼻迫。左右共四十六

胃乃足之陽明。屬兌趨乎內庭。過陷谷衝陽之分。見解谿

豐隆之神。下巨虛兮條口陳。上巨虛兮三里仍犢鼻引入

於梁丘陰市之下。伏兔上貫於髀關氣衝之經。市

道大巨兮外陵。運天樞兮消肉。禮太乙兮開門。牙尸

滿不客兮乳根。乳中之膺。寒屋。庫房之氣。戶缺。盆氣。舍

水突人迎。大迎地倉兮。巨膠續四白兮。承泣分。御頰。車於

下關。張頭維於額。根左右共九十六穴。

足太陰兮脾中。州隱白出兮。大指頭。赴大都兮。瞻太白。訪

公孫兮。至商丘。越三陰之交。而漏谷地機可即。步陰陵之

泉。而血海箕門是求。入衝門兮。府舍。軒謠。解腹結兮。大橫

優游。腹哀。食竇兮。按天谿。而同派。胸刺。周榮兮。綴大包。而

如鈞。左右共四十二穴。

迨夫真心為手少陰。少衝出乎小指。少府直乎神門。陰郄

通里兮。靈道非遠。少海青靈兮。極泉何深。左右共十八穴。

手之太陽。小腸之榮。始從少澤。步前谷。後谿之隆。道遵腕

骨。觀陽谷。養老之崇。得支正於小海。逐肩貞以相從。值臑

腧兮。遇天宗。乘秉風兮。曲垣中。肩外俞兮。肩中俞。啓天窗

兮。見天容。匪由顴髎。曷造聽宮。左右共三十八穴。

足太陽兮。太陽交背部之二行。窮至陰於通谷之口。尋臑

骨於京骨之鄉。申脉命僕參以前導。崑崙闢金門於踝傍。

奮附陽飛揚之志。轉承山承筋之行。至於合陽。委中委陽

浮郄殷門以岐往。承扶秩邊而胞育。入志室兮。育門胃倉。

開意舍兮。振彼陽綱。出魂門兮。膈關。廼譚譚乎神堂。膏肓

兮在四椎之左右。魄戶兮隨附分而會陽。下中次上之體。
白環中膂之房。膀胱俞兮小腸大腸俞兮在旁。三焦腎俞
兮胃俞接脾膽肝膈兮心俞當厥陰肺俞之募。風門大杼
之方。天柱堅兮玉枕絡却。通天谿兮見彼承光。自五處曲
差而下。造擯竹睛明之場。左右共一百二十六穴。

足少陰兮腎屬。湧泉流於然谷。太谿大鐘兮水泉緣照海。
復溜兮交信續。從築賓兮上陰谷。掩植骨兮大赫。蹻氣穴
四滿兮中注。育俞上通兮商曲。守命關兮陰都寧。閉通谷
兮幽門肅。步郎神封而靈墟存。仲藏或中而俞府足。左右

手厥陰心包之絡中衝發中指之奇。自勞宮大陵而往。逐

內關。間使而馳。叩郄門於曲澤。酌天泉於天池。左右共十八穴。

手少陽三焦之脉。在小指次指之端。關衝開乎液門。中渚

陽池外關。支溝會宗三陽絡。四瀆天井。清冷淵消灤臑會

肩髃相連。天髀處天牖之下。豨風讓癰脉居先。顙息定而

角孫近耳。絲竹空而和髎倒懸耳門既開。夏蚺聞焉。左右共四

十六穴。

足少陽今膽經穴。乃出乎竅陰。泝俠谿兮地五會。過臨泣

兮丘墟平。懸鐘兮陽輔。光明外丘兮陽交。陽陵西出陽關

兮。抵中瀆風市之境。環跳居髎兮。循維道五樞之

帶脉詢至京門。日月麗兮輒筋榮。淵液泄兮有井不日。

池兮腦空鳴。窮竅陰兮完骨明。舉浮白於天衝。接承靈於

正營。目窓兮臨泣。陽白兮本神。率谷回兮曲髻出。懸壘降

兮懸壘承額。厭兮嘉客主人。聽會兮童子髀迎。左右共八十八穴。

厥陰在足肝經所鍾。起大敦於行間。循太衝于中封。蠡溝

中都之會。膝關曲泉之宮。襲陰包於五里兮。陰廉乃發。尋

羊矢於章門兮。期門可攻。左右共二十六穴。

至若任脉行手腹與胸。承漿泄兮廉泉通。窺天突於璇璣

搏華蓋於紫宮。登玉堂兮膺中集。履中庭兮鳩尾冲。瞻巨

關兮二腕上中。過建里兮下腕攸同。水分兮神闕縹緲。陰

交兮氣海鴻濛石門直兮關元中極曲骨橫兮會陰乃終

凡二十
四穴

督脉行乎背部中。兑端接兮斷交從。素膠在面兮。水溝疏
通神庭入髮兮。上星腫脹顙會現兮。前頂百會儼兮。尊崇
後頂輔兮。強間逢腦戶。閉兮風府空。啞門通於大椎兮。陶
道夷坦身柱縹於神道兮。靈臺穹隆至陽立下。筋縮脊中。
接脊懸樞。命門重重。歌陽關兮。舞腰俞。願長強兮。壽無窮。

凡二十
七穴

百症賦

聚芳

百症俞穴再三用心。頭會連于玉枕。頭風療以金針。懸顙
領厭之中。偏頭痛止。強間豐隆之際。頭痛難禁。原夫面腫
虛浮。須仗水溝前頂耳聾氣閉。全憑聽會翳風。面上虫行
有驗。迎香可取。耳中蟬噪有聲。聽會堪攻。目眩兮支正飛
揚。目黃兮陽綱胆俞。攀睛攻少澤肝俞之所。淚出刺臨泣
頭維之處。目中漠漠。即尋攢竹三間。目覺眊眊。急取養老
天柱。觀其雀目汗氣。睛明行間而細推。審他項強傷寒溫
溜期門而主之。廉泉中冲舌下腫疼。堪取天府。合谷鼻中
衄血。宜追耳門。絲竹空。住牙疼于頃刻。頰車地倉穴。正口

喝于片時。喉痛兮液門。魚際去癆。轉筋兮金門。壺來醫。
陽谷俠谿。頷腫口禁。並治少商。曲澤。血虛口渴。同施。通天。
去鼻內無聞之苦。復溜祛舌乾口燥之悲。瘧門。關冲。舌緩。
不語而要緊。天鼎間使。失音。鼯嚙而休遲。太冲。鴻唇喝以。
速愈。承漿。瀉牙疼而即移。項強多惡風。束骨相連于天柱。
熱病汗不出。大都更接于經渠。且如兩臂頑麻。少海就傍。
于三里。半身不遂。陽陵遠達于曲池。建里內關。柳盡胸中。
之苦悶。聽宮脾俞。祛殘心下之悲凄。又知脇肋疼痛。氣戶。
華蓋有靈。腹內腸鳴。下皖陰谷能平。胸脇支滿。何療。章門。
不用細尋。膈疼飲蓄難禁。臍中巨闕便針。胸滿已口。

中府意舍所行。胸膈停留瘀血。腎俞巨膠宜微。工

神藏璇璣已試。背連腰痛。白環委中。曾經脊強。水道筋

縮。目眩。今顴膠大迎。疾病非顙顙而不愈。臍風。然谷而

易醒。委陽。天池。腋腫。針而速散。後谿。環跳。腿疼。利而即輕。

憂。厭不寧。厲兌相諧于隱白。發狂奔走。上腕同起于神門。

驚悸怔忡。收陽交。解谿勿悞。反張悲哭。伏天衝上。橫須精。

顙疾必身柱。本神之令。發熱。伏少冲。曲池之津。也熱時行。

陶道復求肺俞理。風癰常發。神道須還。心俞寧。溫寒濕熱。

下膠定。厥寒厥熱。湧泉清寒。懷惡寒。二間疎通。心却暗煩。

心嘔吐。幽門閉。徹玉堂明。行間湧泉。王消渴之眩。渴陰陵。

水分。去水腫之脂。名癆瘵傳尸。趙鬼戶膏肓之路。中邪霍亂。奔陰谷三里之程。治疸消黃。諸後谿勞宮而看。倦言嗜卧。往通里大鐘而明。咳嗽連聲。肺俞須迎天突穴。小便赤澀。兌端獨瀉太陽經。刺長強于承山。善主腸風新下血。針三陰于氣海。專治白濁久遺精。且如背俞橫骨瀉五淋之。久積陰郄後谿。治盜汗之多出。脾虛穀以不消。脾俞膀胱俞。寬胃冷食而難化。鬼門胃俞堪責。鼻痔必取斷交。瘦氣須求浮白。大敦照海。患寒症而善燭。五里臂臑。生癰瘡而能治。至陰足陽。瘰癧疾之痰多。有髀陽谿。消隱中之熱極。抑又論婦人經事改常。有地機血海。女子少氣弱。

無交信合陽帶下產崩衝氣衝。人漣達。泉細詳有井乳癰而極効。商丘痔瘤而最良。脫肛超百會。尾翳之所無。子搜陰交石關之鄉。中腕主乎積刺。外丘收乎大傷寒。瘡兮商陽大谿驗。痲痺兮衝門血海強。夫醫乃人之司命。非志王而莫為。針乃理之淵微。須至人之指教。先究其病源。後攻其穴道。隨手見功。應針取效。方知玄裏之玄。始達妙中之妙。此篇不盡畧舉其要。

標幽賦。

楊氏註解

拯救之法妙用者針。

劫病之功莫捷于針灸。故素問諸書為之首載。緩。和。扁。華。俱以此稱神醫。蓋一針中穴。病者應手而起。誠醫家之所先也。近世此科幾於絕傳。良為可嘆。經云。拘於鬼神者。不可與言至德。惑於砭石者。不可與言至巧。此之謂也。又語云。一針二灸。三服藥。則針灸為妙用可知。業醫者。素之何不亟講乎。

察歲時於天道。

夫人身十二經。三百六十節。以應一歲十二月。三

十日。歲時者。春暖。夏熱。秋涼。冬寒。此四時之正氣也。

春應暖而反寒。夏應熱而反涼。秋應涼而反熱。冬應寒而反暖。是故冬傷於寒。春必溫病。春傷於風。夏必飧泄。夏傷於暑。秋必痎瘧。秋傷於濕。上逆而欬。岐伯曰。凡刺之法。必候日月星辰四時八正之氣。氣定乃刺。焉是故天溫日陽。則人血淖液而衛氣浮。故血易瀉。氣易行。天寒日陰。則人血凝滯而衛氣沉。月始生。則氣血始清。衛氣始行。月廓滿。則氣血實。肌肉堅。月廓空。則肌肉減。經絡虛。衛氣去。形獨居。是以因天時而調血氣也。天寒無刺。天溫無灸。月生無瀉。月滿無補。月廓空無治。是謂得

天時而調之。若月生而瀉。是謂賊虛。月滿而補。血氣洋溢。絡有留血。名曰重實。月廓空而治。是謂亂經。陰陽相錯。真邪不別。沉以留上。外虛內亂。淫邪乃起。又曰天有五運。金水木火土也。地有六氣。風寒暑濕燥熱也。定形氣於予心。

經云。凡用針者。必先度其形之肥瘦。以調其氣之虛實。實則瀉之。虛則補之。必先定其血脈。而後調之。形盛脈細。少氣不足以息者。危。形瘦脈大。胸中多氣者。死。形氣相得者。生。不調者。病。相失者。死。是故色脈不順而莫針。戒之戒之。

春夏瘦而刺淺。秋冬肥而刺深。

經云。病有沉浮。刺有淺深。各至其理。無過其道。過之則內傷。不及則外壅。壅則賊邪從之。淺深不得。反為大賊。內傷五臟。後生大病。故曰。春病在毫毛。腠理。夏病在皮膚。故春夏之人。陽氣輕浮。肌肉瘦薄。血氣未盛。宜刺之淺。秋病在肉腠。冬病在筋骨。秋冬則陽氣收藏。肌肉肥厚。血氣充滿。刺之宜深。又云。春刺十二井。夏刺十二榮。季夏刺十二俞。秋刺十二經。冬刺十二合。以配木火土金水。理見子午流注。

不窮經絡陰陽多逢刺禁。

經有十二。手太陰肺。少陰心。厥陰心包絡。太陽小腸。少陽膽。陽明大腸。足太陰脾。少陰腎。厥陰肝。太陽膀胱。少陽膽。陽明胃也。經有十五。肺絡列缺。心絡通里。心包絡內關。小腸絡支正。三焦絡外關。大腸絡偏歷。脾絡公孫。腎絡大鍾。肝絡蠡溝。膀胱絡飛揚。膽絡光明。胃絡豐隆。陰蹻絡照海。陽蹻絡申脉。脾之大絡大包。督脉絡長強。任脉絡屏翳也。陰陽者。天之陰陽。平旦至日中。天之陽。陽中之陽也。日中至黃昏。天之陽。陽中之陰也。合夜至鷄鳴。天之陰。陰中之陰也。鷄鳴至平旦。天之陰。陰中之陽也。故人也應之。至於人身。外為陽。內為陰。

腹為陰。手足皆以赤白肉分之。五臟為陰。六腑為陽。夏之病在陽。秋冬之病在陰。背固為陽。陽中之陽心也。陽中之陰肺也。腹固為陰。陰中之陰腎也。陰中之陽肝也。陰中之至陰脾也。此皆陰陽表裏內外雌雄相輸應也。是以應天之陰陽。學者苟不明此經絡。陰陽升降。左右不同之理。如病在陽明。反攻厥陰。病在太陽。反攻太陰。遂致賊邪未除。本氣受敗。則有勞無功。反犯禁刺。既論臟腑虛實。須向經尋。

欲知臟腑之虛實。必先診其脉之盛衰。既知脉之盛衰。又必辨其經脉之上下。臟者。心肝脾肺腎也。腑者。膽胃

大小腸三焦膀胱也。如脉之衰弱者其氣多虛為痺為
麻也。脉之盛大者其血多實為腫為痛也。然臟腑居位
乎內而經絡播行乎外。虛則補其母也。實則瀉其子也。
若心病虛則補肝木也。實則瀉脾土也。至於本經之中
而亦有子母焉。假如心之虛者取本經少衝以補之。少
衝者井木也。木能生火也。實取神門以瀉之。神門者俞
土也。火能生土也。諸經莫不皆然。要之不離乎五行相
生之理。當細思之。

原夫起自中焦。水初下竭。太陰為始。至厥陰而方終。穴出
雲門。抵期門而最後。

此言人之氣脉行於十二經為一周除任督之外計三百九十三穴。一日一夜有百刻分於十二時。每一時有八刻二分。每一刻計六十分。一時共計五百分。每日寅時手太陰肺經生自中焦中府穴出於雲門起至少商穴止。卯時手陽明大腸經自商陽起至迎香止。辰時足陽明胃經自頭維至厲兌。巳時足太陰脾經自隱白至大包。午時手少陰心經自極泉至少冲。未時手太陽小腸經自少澤至聽宮。申時足太陽膀胱經自睛明至至陰。酉時足少陰腎經自湧泉至太衝。戌時手厥陰心包絡經自天池至中冲。亥時手少陽三焦經自關冲至耳。

門子時足少陽膽經自臍下至膝陰足時足厥陰肝經自大敦至期門而終調之而復始與滴漏無差也。

正經十二別絡走三百餘丈。

十二經者即手足三陰三陽之正經也別絡者除十五絡又有橫絡孫絡不知其紀散走於三百餘支脉也。

正側仰伏氣血有六百餘丈。

此言經絡或正或側或仰或伏而氣血循行孔穴一周于身榮行脉中三百餘丈衛行脉外三百餘候。

手足三陽手走頭而頭走手手足三陰足走腹而胸走手此言經絡陰升陽降氣血出入之機男女無以異。

要識迎隨。須明逆順。

迎隨者。要知榮衛之流注。經脉之往來也。明其陰陽之經。逆順而取之。迎者以針頭朝其源。而逆之。隨者以針頭從其流。而順之。是故迎之者為瀉。為迎順之者為補。為隨。若能知迎知隨。令氣必和。和氣之方。必在陰陽升降上下。源流往來。逆順之道明矣。

况夫陰陽氣血多少為最。厥陰太陽少氣多血。太陰少陰少血多氣。而又氣多血少者。少陽之分。氣盛血多者。陽明之位。

此言三陰三陽氣血多少之不同。取之必記為最要也。

先詳多少之宜。次察應至之氣。

凡用針者。先明上文氣血之多少。次觀針氣之來應。輕滑慢而未來。沉澁緊而已至。

輕滑。滑虛慢遲。入針之後。候值此三者。乃真氣之未到。沉重澁滯。緊實。入針之後。但此三者。是正氣之已來。

既至也。量寒熱而留疾。

留。候也。疾。速也。此言正氣既至。必審寒熱而施之。故經云。刺熱須至寒者。必留。刺陰氣隆至。乃呼之。去徐。其穴不閉。刺寒須至熱者。陽氣隆至。針氣必熱。乃吸之。去疾。其穴急。捫之。

未至也。據虛實而候氣。

氣之未至。或進或退。或按或提。導之引之。候氣至穴而方行補瀉。經曰。虛則推內。進提以補其氣。實則循捫彈努以引其氣。

氣之至也。如魚吞釣餌之沉浮。氣未至也。如閑處幽堂之深邃。

氣既至。則針有澁緊。似魚吞釣。或沉或浮而動。其氣不來。針自輕滑。如閑居靜室之中。寂然無所聞也。

氣速至而速效。氣遲至而一治。

言下針。若得氣來速。則病易痊。而效亦速也。氣若來遲。

則病難愈。而有不治之患。故賦云。氣速效速。氣遲效遲。候之不至。必死無疑矣。

觀夫九針之法。毫針最微。七星上應衆穴主持。

言九針之妙。毫針最精。上應七星。又為三百六十穴之針。

本形金也。有蠲邪扶正之道。

本形言針也。針本出於金。古人以砭石。今人以鉄代之。蠲除也。邪氣盛。針能除之。扶輔也。正氣衰。針能輔之。

短長水也。有決疑開滯之機。

此言針有長短。猶水之長短。人之氣血凝滯而不通。猶

水之凝滯而不通也。水之不通。決之使流於湖海。氣血不通。針之使周於經脉。故言針應水也。

定刺象木。或斜或正。

此言木有斜正。而用針亦有或斜或正之不同。刺陽經者。必斜卧其針。無傷其衛。刺陰分者。必正立其針。毋傷其榮。故言針應木也。

口藏比火。造陽補虛。

口藏以針。含於口也。氣之溫如火之溫也。羸瘦也。凡下針之時。必口內溫針。暖使榮衛相接。進已之陽氣。補彼之瘦弱。故言針應火也。

循機捫而可塞以象土。

循者。用手上下循之。使氣血往來也。機捫者。針畢以手捫閉其穴。如用土填塞之義。故言針應土也。

寔應五行而可知。

五行者。金水木火土也。此結上文針能應五行之理也。然是三寸六分。包含妙理。

言針雖但長三寸六分。能巧運神機之妙。中含水火。回倒陰陽。其理最玄妙也。

雖細楨於毫髮。同貫多岐。

楨針之幹也。岐氣血往來之路也。言針之幹。雖如毫髮。

之微小。能貫通諸經血氣之道路也。

可平五臟之寒熱。能調六腑之虛實。

平治也。調理也。言針能調治臟腑之疾。有寒則洩之。熱則清之。虛則補之。實則瀉之。

拘攣閉塞。遣八邪而去矣。寒熱痺痛。開四關而已之。

拘攣者。筋脉之拘束。閉塞者。氣血之不通。八邪者。所以候八風之虛邪。言疾有攣閉。必驅散八風之邪也。寒者。身作顫而發寒也。熱者。身作潮而發熱也。四關者。六臟六腑有十二原。出於四關。太衝。合谷是也。故太乙移宮之日。主八風之邪。令人寒熱疼痛。若能開四關者。兩手

兩足刺之而已。立春一日起艮。名曰天留宮。風從東北來為順令。春分一日起震。名曰倉門宮。風從正東來為順令。立夏一日起巽。名曰陰洛宮。風從東南來為順令。夏至一日起離。名曰上天宮。風從正南來為順令。立秋一日起坤。名曰玄委宮。風從西南來為順令。秋分一日起兌。名曰倉果宮。風從正西來為順令。立冬一日起乾。名曰新洛宮。風從西北來為順令。冬至一日起坎。名曰叶蟄宮。風從正北來為順令。其風着人。爽神氣。去沉痾。背逆謂之惡風。毒氣吹形骸即病。名曰時氣。留伏流入肌骨臟腑。雖不即患。後因風寒暑濕之重感。內緣饑飽。

勞慾之染着。發患曰內外兩感之痼疾。非刺針以調經絡。湯液引其榮衛。不能已也。中宮名曰招搖宮。共九宮焉。此八風之邪。得其正。令則人無疾逆之。則有病也。凡刺者。使本神朝而後入。既刺也。使本神定而氣隨。神不朝而勿刺。神已定而可施。

凡用針者。必使患者精神已朝。而後方可入針。既刺之。必使患者精神纔定。而後施針行氣。若氣不朝。其針為輕滑。不知疼痛。如掉玉屑者。莫與進之。必使之候。如神氣既至。針自緊澁。可與依法察虛實而施之。

定脚處取氣血為主意。

言欲下針之時必取陰陽氣血多少為主詳見上文
下手處認水木是根基。

下手亦言用針也。水其母也。木者子也。是水能生木也。
是故濟母裨其不足。等子平其有餘。此言用針必先認
子母相生之義。舉水不而不及土金火者。省文也。

天地人三才也。湧泉同璇璣百會。

百會一穴在頭以應乎天。璇璣一穴在胸以應乎人。湧
泉一穴在足心以應乎地。是謂三才也。

上中下三部也。大包與天樞地機。

大包二穴在乳後為土部。天樞二穴在臍旁為中部。地

機二穴在足脰為下部。是謂三部也。

陽蹻陽維并督帶主肩背腰腿在表之病。

陽蹻脉起於足跟中循外踝上入風池通足太陽膀胱

經申脉是也陽維心者維持諸陽之會通手少陽三焦

經外關是也督脉起於下極之脬並於脊裡上行風

府過腦循額至鼻八斷交通手太陽小腸經後谿是也

帶脉起于季脇回身一周如繫帶然通足少陽膽經臨

泣是也言此奇經四脉屬陽主治肩背腰腿在表之病。

陰蹻陰維任衝脉去心腹脇肋在裡之疑疑者疑疾也

陰蹻脉亦起於足跟中循內踝上行至咽喉交貫衝脉

通足少陰腎經照海是也。陰
手厥陰心包絡經內關是也。任
上至咽喉通手太陰肺經列缺
足少陰之經俠臍上行至胸中
孫是也。言此奇經四脉屬陰能
二陵二蹻二交似續而交五大。

二陵者陰陵泉陽陵泉也。二蹻
陰交陽交也。續接續也。五大者
交接於兩手兩足并頭也。

兩間兩商兩井相依而別兩支。

兩間者。二間三間也。兩商者。少商商陽也。兩井者。天井肩井也。言六穴相依而分別於手之兩支也。

大抵取穴之法。必有分寸。先審自意。次觀肉分。

此言取量穴法。必以男左女右。中正。但與大指相屈如環。取內側紋兩角為一寸。各隨長短。上八小取之。此乃同身之寸。先審病者。是何病。屬何經。用何穴。審於我意。次察病者。瘦肥長短。大小肉分。骨節器器。心之間。量度以取之。或伸屈而得之。或平直而安定。

伸屈者。如取環跳之穴。必須伸下。屈上。足以取之。乃得其穴。平直者。或平卧而取之。或正立而坐而取之。或正立

而取之。自然安定。如承漿在唇下宛宛中之類也。

在陽部筋骨之側陷下為真。在陰分郄腠之間動脈相應。陽部者。諸陽之經也。如合谷三里陽陵泉等穴。必取俠骨側指陷中為真也。陰分者。諸陰之經也。如手心脚內肚腹等穴。必以筋骨郄腠動脈應指。乃為真穴也。

取五穴用一穴而必端。取三經用一經而可正。

此言取穴之法。必須點取五穴之中。而用一穴。則可為端的矣。若用一經。必須取三經。而正一經之是非矣。頭部與肩部詳分。督脉與任脉易定。

頭部與肩部。則穴繁多。但醫者以自意詳審。大小肥瘦。

而分之督任二脉。直行背腹中。而有分寸。則易定也。
明標與本。論刺深刺淺之經。

標本者。非止一端也。有六經之標本。有天地陰陽之標本。有傳病之標本。以人身論之。則外為標。內為本。陽為標。陰為本。肺陽為標。臟陰為本。臟腑在內為本。經絡在外為標也。六經之標本者。足太陽之本在足跟上五寸。標在目。足少陽之本在竅陰。標在耳之類是也。更有人身之臟腑陽氣陰血經絡。各有標本。以病論之。先受病為本。後傳流為標。凡治病者。元治其本。後治其標。餘症皆除矣。謂如先生輕病。後發生一重病。亦先治其輕病也。

若有中滿無問標本先治中。中為急。若中滿大小便不利亦無標本。先利大小便。治中滿尤急也。除此三者之外皆治其本。不可不慎也。從前來者實邪。從後來者虛邪。此子能令母實。母能令子虛也。治法虛則補其母。實則瀉其子。假令肝受心之邪。是從前來者為實邪也。當瀉其火。然直瀉火。十二經絡中各有金木水火土也。當木之本。分其火也。故標本論云。本而標之。先治其本。後治其標。既肝受火之邪。先治肝經五穴。瀉榮火行間也。以藥論。入肝經藥為引。用心藥為君也。是治實邪病矣。又假令肝受腎邪。是從後來者為虛邪。當補其母。

二卷
故標本論云。標而本之。先治其標。後治其本。肝木既受
水邪。當先於腎經湧泉穴補木。是先治其標。後於肝經
曲泉穴瀉水。是後治其本。此先治其標者。推其至理。亦
是先治其本也。以藥論之。入腎經藥為引。用補肝經藥
為君。是也。以得病之日為本。傳病之日為標。亦是。
住痛移疼。取相交相貫之運。

此言用針之法。有住痛移疼之功者也。先以針左行左
轉。而得九數。復以針右行右轉。而得六數。此乃陰陽交
貫之道也。經脉亦有交貫。如手太陰肺之列缺。交於陽
明之路。足陽明胃之豐隆。交於太陰之運。此之類也。

豈不聞臟腑病而求門海俞募之微。

門海者。如章門氣海之類。前者五臟六腑之俞也。俱在背部二行。募者臟腑之募。肺募中府。心募巨闕。肝募期門。脾募章門。腎募京門。胃募中脘。膽募日月。大腸募天樞。小腸募關元。三焦募石門。膀胱募中極。此言五臟六腑之有病必取此門海俞募之最微妙矣。

經絡滯而求原別交會之道。

原者十二經之原也。別陽別也。交陰交也。會八會也。夫十二原者。膽原丘墟。肝原太冲。小腸原腕骨。心原神門。胃原冲陽。脾原太白。大腸原合谷。肺原太淵。膀胱原京

骨。腎。原。太。谿。三。焦。原。陽。池。包。絡。原。大。陵。八。會。者。血。會。膈。
俞。氣。會。臍。中。脉。會。太。淵。筋。會。陽。陵。泉。骨。會。大。杼。髓。會。絕。
骨。臟。會。章。門。腑。會。中。脘。也。此。言。經。絡。血。氣。凝。結。不。通。者。
必。取。此。原。別。交。會。之。穴。而。刺。之。

更。窮。四。根。三。結。依。標。本。而。刺。無。不。痊。

根。結。者。十。二。經。之。根。結。也。靈。樞。經。云。太。陰。根。于。隱。白。結。
于。大。包。也。少。陰。根。于。湧。泉。結。于。廉。泉。也。厥。陰。根。于。大。敦。
結。于。玉。堂。也。太。陽。根。于。至。陰。結。于。目。也。陽。明。根。于。厲。兌。
結。于。鉗。耳。也。少。陽。根。于。竅。陰。結。于。耳。也。手。太。陽。根。于。少。
澤。結。于。天。窓。支。正。也。手。少。陽。根。于。關。沖。結。于。天。牖。外。關。

也。手陽明根于商陽，結于扶突，偏歷也。手三陰之經不載，不敢強註。又云：四根者，耳根、鼻根、乳根、腳根也。三結者，胸結、肢結、便結也。此言能究根結之理，依上文標本之法刺之，則病無不愈也。

但用八法五門分主客而針，無不效。

針之八法：一迎隨，二轉針，三手指，四針投，五虛實，六動搖，七提按，八呼吸。身之八法：奇經八脉，公孫衝脉，胃心胸八句是也。五門者：天干配合，分於五也。甲與己合，乙與庚合之類是也。主客者：公孫主內，關客之類是也。或以井榮俞經合為五門，以邪氣為賓客，正氣為主人，先

用八法。必以五門推時取穴。先主後客。而無不效之理。
八脉始終連八會。本是紀綱。十二經絡十二原。是為樞要。
八脉者。奇經八脉也。督脉任脉。衝脉帶脉。陰維陽維。陰
矯陽矯也。八會者。即上文血會膈俞等是也。此八穴通
八脉起止連及八會。本是人之綱領也。如網之有綱也。
十二經。十五絡。十二原。已註上文樞要者。門戶之樞紐
也。言原出入十二經也。

一日取六十六穴之法。方見幽微。

六十六穴者。即子午流注井榮俞原經合也。陽于注腑。
三十六穴。陰于注臟。三十六穴。共成六十六穴。具載玉卷。

子午流注圖中。此言經絡一日一周于身。歷行十二經穴。當此之時。酌取流注之中一穴用之。以見幽微之理。一時取一十二經之原。始知要妙。

十二經原俱註上文。此言一時之中。當審此日是何經所主。當此之時。該取本日此經之原穴而刺之。則流注之法。公妙始可知矣。

原夫補瀉之法。非呼吸而在手指。

此言補瀉之法。非但呼吸而在乎手之指法也。法分十四者。循捫提按彈撚搓盤推內動搖瓜切進退出攝者是也。法則如斯。巧拙在人。詳備金針賦內。

速效之功。要交正而識本經。

交正者。如大腸與肺為傳送之府。心與小腸為受盛之官。脾與胃為消化之宮。肝與膽為清淨之位。膀胱合腎。陰陽相通。表裏相應也。本經者。受病之經。如心之病。必取小腸之穴。蕪之餘。倣此。言能識本經之病。又要認交經正經之理。則針之功必速矣。故曰寧失其穴。勿失其經。寧失其時。勿失其氣。

交經緣刺。左有病而右畔取。

緣刺者。刺絡脉也。右痛而刺左。左痛而刺右。此乃交經緣刺之理也。

瀉絡遠針頭有病而脚上針。

三陽之經從頭下足故言頭有病必取足穴而刺之。

巨刺與繆刺各異。

巨刺者刺經脉也。痛在於左而右脉病者則巨刺之。左痛刺右。右痛刺左。中其經也。繆刺者刺絡脉也。身形有痛九候無病則繆刺之。右痛刺左。左痛刺右。中其絡也。此刺法之相同。但一中經一中絡之異耳。

微針與妙刺相通。

微針者刺之巧也。妙刺者針之妙也。言二者之相通也。觀部分而知經絡之虛實。

言針入肉分以天、人、地三部而進。必察其得氣則內外虛實可知矣。又云察脉之三部則知何經虛何經實也。視沉浮而辨臟腑之寒溫。

言下針之後看針氣緩急可決臟腑之寒熱也。

且夫先令針耀而慮針損。次藏口內而欲針溫。

言欲下針之時必先令針光耀看針莫有損壞。次將針含於口內令針溫暖與帶衛相接無相觸犯也。

目無外視手如握虎心無內慕如待貴人。

此戒用針之士貴乎專心誠意而自重也。令目無他視手如握虎恐有傷也。心無他想如待貴人恐有責也。

左手重而多按欲令氣散右手輕而徐入不痛之因

下針之時必先以左手大指爪甲於穴上切之則令其氣散以右手持針輕輕徐入此乃不痛之因也

空之恐怯直立側而多暈

空心者未食之前此言無刺饑人其氣血未定則令人恐懼有怕怯之心或直立或側卧必有眩暈之咎也

背目沉搖坐臥平而沒昏

此言欲下針之時必令患人莫視所針之處以手爪甲重切其穴或臥或坐而無昏悶之患也

推於十干十變知孔穴之開闔

十干者甲乙丙丁戊己庚辛壬癸也。十變者逐日臨時之變也。備載靈龜八法中。故得時謂之開。失時謂之闔。論其五行五臟察日時之旺衰。

五行五臟俱註上文。此言病於本日時之下。得五行生者旺。受五行尅者衰。知心之病。得甲乙之日時者生旺。遇壬癸之日時者尅衰。餘倣此。

伏如橫弩。應若發機。

此言用針刺穴如弩之視正而發牙。取其捷效如射之中的也。

陰交陽別而定血暈。陰躄陽維而下胎衣。

陰交穴有二。一在臍下一寸。一在足內踝上三寸。名三陰交也。言此二穴能定婦人之血暈。又言照海外關二穴能下產婦之胎衣也。

痺厥偏枯迎隨伴經絡接續。

痺厥者四肢厥冷麻痺偏枯者中風半身不遂也。言治此症必須接氣通經。更以迎隨之法使血氣貫通經絡接續也。

漏崩帶下溫補使氣血依歸。

漏崩帶下者女子之疾也。言有此症必須溫針待暖以補之使榮衛調和而歸依也。

靜以久留。停針待之。

此言下針之後。必須靜而久停之。

必准者。取照海治喉中之閉塞。端的處。用大鍾治心內之呆痴。大抵疼痛實瀉。痒麻虛補。

此言疼痛者。熱宜瀉之以涼。痒麻者。冷宜補之以暖。體重節痛而俞居。心下痞滿而井主。

俞者。十二經中之俞。井者。十二經中之井也。

心脹咽痛。針太冲而必除。脾冷胃疼。瀉公孫而立愈。胸滿腹痛。刺內關。脇疼肋痛。針飛虎。

飛虎穴。即支溝穴。以手於虎口一飛中指盡處是穴也。

筋攣骨痛而補鬼門。體熱勞嗽而瀉鬼戶。頭風頭痛刺申
脉與金門。眼痒眼疼瀉光明於地五。瀉陰郄止盜汗。治小
兒骨蒸刺偏歷利小便。醫大人水蠱中風環跳而宜刺虛
損天樞而可取。

地五者。即地五會也。

由是午前卯後太陰生而疾溫。離左西南月朔死而速冷。
此以月生死為期。午前卯後者。辰巳二時也。當此之時。
太陰月之生也。是故月廓空無瀉。宜疾溫之。離左西南
者。未申二時也。當此時分。太陰月之死也。是故月廓盈
無補。宜速冷之。將一月而比一日也。經云。月生一日一

二日二疔。至十五日十五疔。十六日十四疔。十七日十三疔。漸退至三十日二疔。月望已前謂之生。月望已後謂之死。午前謂之生。午後謂之死也。

循捫彈努。留吸母而堅長。

循者。用針之後。以手上下循之。使血氣往來也。捫者。出針之後。以手捫閉其穴。使氣不泄也。彈努者。以手輕彈而補虛也。留吸母者。虛則補其母。須待熟至之後。留吸而堅長也。

爪下伸提。疾呼子而嘔短。

爪下者。切而下針也。伸提者。施針輕浮。且許曰。提疾呼。

子者實則瀉其子。務待寒至之後去之速而虛且短矣。動退空歇迎奪右而瀉涼推內進提隨濟左而補煖。

動退以針搖動而退如氣不行將針伸提而已。空歇撒手而停針迎以針逆而迎奪即瀉其子也。如心之病必瀉脾子。此言欲瀉必施此法也。推內進者用針推內而入也。搓者猶如搓線之狀慢慢轉針勿令太緊隨以針順而隨之濟則濟其母也。如心之病必補肝母。此言欲補必用此法也。此乃遠刺寒熱之法。故凡病熱者先使氣至病所次微微提退豆許以右旋奪之得針下寒而止。凡病寒者先使氣至病所次徐徐進針以左旋搓擲。

和之得針下熱而止。

慎之大患危疾。色脉不順而莫針。

慎之者。戒之也。此言有危篤之疾。必觀其形色。更察其脉。若相反者。莫與用針。恐勞而無功。反獲罪也。

寒熱風陰。饑飽醉勞。而切忌。

此言無針大寒。大熱。大風。大陰雨。大饑。大飽。大醉。大勞。凡此之類。決不可用針。實大忌也。

望不補而晦不瀉。弦不奪而朔不濟。

望每月十五日也。晦每月三十日也。弦有上下弦。上弦或初七。或初八。下弦或廿二。廿三也。朔每月初一日也。

凡值此日不可用針施法也。如暴急之疾則不拘矣。精其心而窮其法。無灸艾而壞其皮。

此言灸也。勉醫者宜專心究其穴法。無悞於着艾之功。庶免干犯於禁忌而壞人之皮肉矣。

正其理而求其原。勉投針而失其位。

此言針也。勉學者要明其針道之理。察病之原則用針。不失其所也。

避灸處而加四肢。四十有九。禁刺處而除六腧。二十有二。禁灸之穴。四十五。更加四肢之井。共四十九也。禁針之穴。二十二。外除六腑之腧也。

抑又聞高皇抱疾未瘥李氏刺巨闕而後甦太子暴死為厥越人針絀會而復醒肩井曲池甄權刺臂痛而復射鍾環跳華陀刺雙足而立行秋夫針腰俞而鬼免沉痾王纂針交俞而妖精立出取肝俞與命門使瞽士視秋毫之末刺少陽與交別俾聾夫聽夏蚋之聲。

此引先師用針有此立效之功以勵學者用心之誠。嗟夫去聖逾遠此道漸墜或不得意而散其學或愆其能而犯禁忌愚庸智淺難契於玄言至道淵深得之者有幾偶述斯言不敢示諸明達者焉庶幾乎童蒙之心啓。

席弘賦。

針灸大全

凡欲行針。須審穴。要明補瀉迎隨訣。胸背左右不相同。呼吸陰陽男女別。氣刺兩乳求太淵。未應之時瀉列缺。列缺頭痛及偏正。重瀉太淵無不應。耳聾氣否聽會針。迎香穴瀉功如神。誰知天突治喉風。虛喘瀉尋三里中。手連肩脊痛難忍。合谷針時要太衝。曲池兩手不如意。合谷下針宜仔細。心疼手顫少海間。若要除根覓陰市。但患傷寒兩耳聾。金門聽會疾如風。五般肘痛尋人澤。太淵針後却收功。手足上下針三里。食癰氣塊憑此取。鳩尾能治五般癰。若下湧泉人不死。胃中有積刺璇璣。三里功多人不知。陰陵

泉治心胸滿。針到承山。飲食思。大杼若連長強。尋小腸氣。痛即行針。委中專治腰間痛。脚膝腫時。尋至陰。氣滯腰疼。不能立。橫骨大都宜救急。氣海專能治五淋。更針三里。隨呼吸期。門穴主傷寒患。六日過經。尤未汗。但向乳根二肋間。又治婦人生產難。耳內蟬鳴。腰欲折。膝下明存三里穴。若能補瀉五會間。且莫向人容易說。睛明治眼未効時。合谷光明安可缺。人中治癲功最高。十三鬼穴不須錢。水腫水分兼氣海。皮內隨針氣自消。冷嗽先宜補合谷。却須針瀉三陰交。牙疼腰痛并咽痺。二間陽谿疾怎逃。更有三間腎俞妙。善除肩背浮風勞。若針肩井須三里。不刺之時魚

未調。最是陽陵泉一穴。膝間疼痛。用針燒委中。腰痛脚攣。
急。取得其經血。自調。脚痛膝腫。針三里。懸鍾。二陵。三陰交。
更向太衝。項引氣。指頭麻木。自輕。飄轉筋目眩。針魚腹承。
山。崑崙。立便消。肚疼。瀆是公孫妙。內關相應。必然瘳。冷風。
冷痺。疾難愈。環跳。腰間針。與燒風府。風池。尋得到。傷寒百。
病。一時消。陽明二日。尋風府。嘔吐還瀆。上脘瘳。婦人心痛。
心創穴。男子疝。瘳三里。高小便不禁。關元好。大便閉。溢大。
敦。燒髓骨。腿疼三里。瀉。復溜。氣滯。便離腰。從來風府最難。
針。却用工。夫度淺深。倘若膀胱氣未散。更宜三里穴中尋。
若是七疝。小腹痛。照海。陰交。曲泉。針。又不應。時求氣海關。

元同瀉効如神。小腸氣撮痛連臍。速瀉陰交莫在遲。良久
湧泉針取氣。此中玄妙少人知。小兒脫肛患多時。先灸百
會次鳩尾。久患傷寒肩背痛。但針中渚得其宜。肩上痛連
臍不休。手中三里便須求。下針麻重即須瀉。得氣之時不
用留。腰連膝痛急必大。便於三里攻其隘。下針一瀉三補
之氣。上攻噎口管在。噎不在時氣海灸。定瀉一時立便瘥。
補自卯酉轉針高。瀉從卯北苦天辭。勞過針瀉氣今須吸。若
補隨呼氣自調。左右撚針尋十午。抽針行氣自迢迢。用針
補瀉分明說。更用搜窮本與經。喉最急先百會。太衝照
海及陰交。學者潛心宜執讀。扁弘治病名最高。

金針賦

楊氏註解

觀夫針道捷法最奇。須要明於補瀉。方可起於傾危。先分病之上下。次定穴之高低。頭有病而足取之。左有病而右取之。男子之氣早在上而晚在下。取之必明其理。女子之氣早在下而晚在上。用之必識其時。午前為早。屬陽。午後為晚。屬陰。男女上下。憑腰分之。手足三陽。手走頭而頭走足。手足三陰。足走腹而胸走手。陰升陽降。出入之機。逆之者為瀉。為迎。順之者為補。為隨。春夏刺淺者。以瘦。秋冬刺深者。以肥。更觀元氣厚薄。淺深之刺。猶宜。

經曰。榮氣行於脉中。周身五十度。無分晝夜。至平旦與

二卷 一
衛氣會於手太陰。衛氣行於脉外。晝行陽二十五度。夜行陰二十五度。平旦與榮氣會於手太陰。是則衛氣之行。但分晝夜。未聞分上下男女。臟腑經絡。氣血往來。未嘗不同也。今分早晚何所據依。但此賦今人所尚。故錄此以參其見。

原夫補瀉之法。妙在呼吸手指。男子者。大指進前左轉。呼之為補。退後右轉。吸之為瀉。提針為熱。插針為寒。女子者。大指退後右轉。吸之為補。進前呼之為瀉。插針為熱。提針為寒。左與右各異。胸與背不同。午前著如此。午後者反之。是故爪而切之下針之法。搖而退之。出針之法。動而進之。

催針之法。循而攝之。行氣之法。推而去病。彈則補虛。肚腹盤旋。捫為穴閉。重沉豆許曰按。輕浮豆許曰提。一十四法。針要所備。補者一退三飛。真氣自歸。瀉者一飛三退。邪氣自避。補則補其不足。瀉則瀉其有餘。有餘者為腫。為痛。曰實。不足者為痒。為麻。曰虛。氣速効速。氣遲効遲。死生貴賤。針下皆知。賤者硬而貴者脆。生者澁而死者虛。候之不至。必死無疑。

此一段手法詳註四卷

且夫下針之先。須爪按重而切之。次令咳嗽一聲。隨咳下針。凡補者呼氣。初針刺至皮內。乃曰天才。少停進針。刺入

肉內。是曰人才。又停進針。刺至筋骨之間。名曰地才。此為極處。就當補之。再停良久。却須退針至人之分。待氣沉緊。倒針朝病。進退往來。飛經走氣。盡在其中矣。凡瀉者。吸氣。初針至天。少停進針。直至於地。得氣瀉之。再停良久。即須退針。復至於人。待氣沉緊。倒針朝病。法同前矣。其或暈針者。神氣虛也。以針補之。口鼻氣回。熱湯與之。畧停少頃。依前再施。

如刺肝經之穴。暈。即補肝之合穴。針入即甦。餘倣此。或有投針氣暈者。即補足三里。或補人中。大抵暈從心生。心不懼怕。暈從何生。如關公刮骨療毒。而色不變。可知。

及夫調氣之法。下針至地之後。復人之分。欲氣上行。將針右撚。欲氣下行。將針左撚。欲補先呼後吸。欲瀉先吸後呼。氣不至者。以手循攝。以爪切指。以針搖動。進撚搓彈。直待氣至。以龍虎升騰之法。按之在前。使氣在後。按之在後。使氣在前。運氣走至疼痛之所以。納氣之法。扶針直插。復向下納。使氣不回。若關節阻滯。氣不過者。以龍虎龜鳳通經接氣。大段之法。驅而運之。仍以循攝爪切。無不應矣。此通仙之妙。

龍虎龜鳳等法。亦註四卷。

況夫出針之法。病勢既退。針氣微鬆。病未退者。針氣始根。

推之不動。轉之不移。此為邪氣吸拔其針。乃至氣真至。不可出之。出之者。其病即復。再須補瀉。停以待之。直候微鬆。方可出針。豆許。搖而停之。補者吸之去疾。其穴急捫。瀉者呼之去徐。其穴不閉。欲令湊密。然後吸氣。故曰下針貴遲。太急傷血。出針貴緩。太急傷氣。已上總要於斯盡矣。

醫經小學云。出針不可猛出。必須作三四次徐轉出之。則無血。若猛出。必見血也。素問補遺篇註云。動氣至而即出針。此猛出也。然與此不同。大抵經絡有疑血。欲大瀉者。當猛出。若尋常補瀉。當依此可也。亦不可不辨。

考夫治病。其法有八。一曰燒山火。治頑麻冷痺。先淺後深。

凡九陽而三進三退。慢提緊按。熱至緊閉。補針除寒之有準。二曰透天涼。治肌熱骨蒸。先深後淺。用六陰而三出入。緊提慢按。徐徐舉針。退熱之可憑。皆細細搓之。去病準繩。三曰陽中隱陰。先寒後熱。淺而深。以九六之法。則先補後瀉也。四曰陰中隱陽。先熱後寒。深而淺。以六九之方。則先瀉後補也。補者直須熱至瀉者務待寒侵。猶如搓線。慢慢轉針。法淺則用淺法。深則用深法。二者不可兼而紊之也。五曰子午搗白。水蠱腦氣落穴之後。調氣均勻。針行上下九入六出。左右轉之。千遭自平。六曰進氣之訣。腰背肘膝痛。渾身走注。疼刺九分。行九補。卧針五七吸。待上行亦可。

龍虎交戰。左撚九而右撚六。是亦住痛之針。七曰留氣之
交。痲癢癢痕刺士分。用純陽。然後乃直插針。氣來深刺。提
針再停。八曰抽添之訣。癰疽瘡癩。取其要穴。使九陽得氣。
提按搜尋。大要運氣週遍。扶針直插。復向下納。回陽倒陰。
指下玄微。胸中活法。一有未應。反復再施。

若夫過關過節。催運氣。以飛經走氣。其法有四。一曰青龍
擺尾。如扶船舵。不進不退。一左一右。慢慢撥動。二曰白虎
搖頭。似手搖鈴。退方進圓。兼之左右。搖而振之。三曰蒼龜
探穴。如入土之象。一退三進。鑽剔四方。四曰赤鳳迎源。展
翅之儀。入針至地。提針至天。候針自搖。復進其元。上下左

右四圍飛旋病在上吸而退之病在下呼而進之。

已上手法乃大畧也其始末當參考四卷。

至夫父患偏枯通經接氣之法有定息寸數手足三陽上九而下十四過經四寸手足三陰上七而下十二過經五寸在乎搖動出納呼吸同法驅運氣血頃刻周流上下通接可使寒者煖而熱者涼痛者止而脹者消若開渠之決水立時見功何傾危之不起哉雖然病有三因皆從氣血針分八法不離陰陽蓋經脉晝夜之循環呼吸往來之不息和則身體康健否則疾病競生譬如天下國家地方山海田園江河谿谷值歲時風雨均調則水道䟽利民物安

阜其或一方一所風雨不均遭以旱澇使水道湧竭不同
災憂遂至人之氣血受病三因亦猶方所之於旱澇也蓋
針砭所以通經脉均氣血蠲邪扶正故曰捷法最奇者哉
嗟夫軒岐古遠虛扁久亡此道幽深非一言而可盡斯文
細密在久習而能通豈世上之常辭庸流之泛術得之者
若科之及策而悅於心用之者如射之發中而應於目述
自先聖傳之後學用針之士有志於斯果能洞造玄微而
盡其精妙則世之伏枕之病有緣者遇針其病皆隨手而
愈矣

王龍賦

聚英

夫參博以為要輯簡而含煩總王龍以成賦信金針以獲
安原夫卒暴中風頂門百會脚氣連延里絕三交頭風鼻
淵上星可用耳聾頭腫聽會偏高攢竹頭維治目疼頭痛
乳根俞府療軟氣痰哮喘市陰市驅腿脚之乏力陰陵陽
陵除膝腫之難熬二白醫痔漏間使勒瘡疾大敦去疝氣
膏肓補虛勞天井治癰瘰惡疹神門治呆痴笑吽哆軟風
瘰太淵列缺宜刺起羸喘促玩璣氣海當知期門大敦能
治堅瘕疝氣勞宮大陵可療心悶瘡疥心悸虛煩刺三里
時疫瘡癰尋後谿絕骨三里陰交脚氣宜此睛明太陽魚

尾目症憑茲。老者便多。命門兼腎俞而着艾。婦人乳腫。少澤與太陽之可推。身柱蠲嗽能除腎痛。至陽卻疸善治神疲。長強承山灸痔最妙。豐隆肺俞痰嗽稱奇。風門主傷胃寒邪之嗽。天樞理感思脾泄之危。風池絕骨而療乎偃。人中曲池可治其痿。偃期門刺傷寒未解。經不再傳。鳩尾針癰瘤已發。慎其委施。陰交水分三里。蠱脹宜刺。商丘解谿丘墟。脚痛堪追。尺澤理筋急之不幸。腕骨療手腕之難移。肩脊痛兮。五樞兼于背。縫肘孿痠兮。尺澤合于曲池。風濕傳于兩肩。肩髃可療。壅熱盛乎三焦。關冲最宜于臂。紅腫中渚液門要辨。脾虛黃疸腕骨中腕何疑。傷寒無汗攻

復溜宜瀉。傷寒有汗。取合谷。當隨欲調飽滿之氣逆。三里可勝。要起六脉之沉匿。後溜稱神。照海支溝通大便秘。內庭臨泣理小腹之脹。天突中膻中。醫喘嗽。地倉頰車療口喎。迎香攻鼻塞。為最。肩井除臂痛如掣。二間治牙疼。中魁理翻胃。而即愈。百勞止虛汗。通里療心驚。而即差。大小骨空治眼爛。能止冷淚。左右太陽。醫目疼。善除血翳。心俞腎俞治腰腎虛乏之夢遺。人中委中除腰脊痛閃之難制。太谿崑崙申脉最療足腫之逆湧。泉關元豐隆為治屍勞之例。印堂治其驚搐。神庭理乎頭風。大陵人中頻瀉口氣全除。帶脉關元多灸。腎敗堪攻。腿脚重疼。針髀骨膝關膝眼。

行步艱楚刺三里中封太冲。取內關于照海。醫腹疾之塊。
搖迎香於鼻內。消眼熱之紅。肚痛秘結。大陵合外關于支。
溝。腿風濕痛。居髎蕪環跳於委中。上腕中腕治九種之心。
痛。赤帶白帶。求中極之異同。又若心虛執壅。少冲明于濟。
奪。目昏血溢。肝俞辨其實虛。當心傳之玄要。究手法之疾。
徐。或值坐閃疼痛之不足。此為難擬定穴之可祛。輯管見。
以便誦讀。幸高明而無哂諸。

此賦總輯玉龍歌要旨兩歌見三卷。

通玄指要賦

楊氏註解

必欲治病。莫如用針。

夫治病之法。有針。各有藥餌。然藥餌或出於幽遠之方。有時缺少。而又有新陳之不等。其偽之不同。其何以奏膚功。起沉痾也。惟精於針。可以隨身帶用。以備緩急。巧用神機之妙。

巧者功之善也。運者變之理也。神者望而知之機。事之微也。妙者治之應也。

工開聖理之深。

工者治病之體。聖者妙用之端。故難經云。問而知之謂

之工聞而知之謂之聖。夫醫者意也。默識心通。貫融神會。外感內傷。自然覺悟。豈不謂聖理之深也。

外取砭針。能蠲邪而扶正。

砭針者。砭石是也。此針出東海中。有一山名曰高峯。其山有石。形如玉簪。生自圓長。磨之有鋒尖。可以為針。治病療邪。無不愈。

中含水火。善回陽而倒陰。

水火者。寒熱也。惟針之中。有寒邪。補瀉之法。是進退水火之功也。回陽者。謂陽盛則極熱。故瀉其邪氣。其病自得清涼矣。倒陰者。謂陰盛則極寒。故補其虛寒。其病自

得溫和矣。此回陽倒陰之理。補瀉盛衰之功。

原夫絡別支殊。

別者辨也。支者終之分派也。素問云。絡穴有一十五。於十二經中。每經各有一絡。外有三絡。陽蹻絡在足太陽。經陰蹻絡在足少陰。經脾之大絡在足太陰。經此是十五絡也。各有支殊之處。有積聚。有浮絡。故言絡別支殊。經交錯綜。

交經者。十二經也。錯者交錯也。綜者總聚也。言足厥陰肝經交出足太陰脾經之後。足太陰脾經交出厥陰肝經之前。此是經絡交錯總聚之理也。

或溝池谿谷以岐異。

岐者路也。其脉穴之中有呼為溝池谿谷之名者。如岐路之各異也。若水溝風池後谿谷之類是也。一云銅人經乃分四穴。溝者水溝穴。池者天池穴。谿者太谿穴。谷者陽谷穴。所謂四穴同治而分三路皆飯於一原。或山海丘陵而隙共。

隙者孔穴。或取山海丘陵而為名者。其孔穴之同共也。如承山照海。商丘陰陵之類是也。一云銅人經亦分四穴。山者承山穴。海者氣海穴。丘者丘墟穴。陵者陰陵穴。四經相應。包含萬化之衆也。

斯派以難揆。在條綱而有統。

此言經絡貫通如水流之分派。雖然難以揆度。在條目綱領之提挈。亦有統緒也。故書云。若綱有條而不紊。一云經言井榮俞原經合。甲日起甲戌時。乃膽受病。穀陰所出為井金。俠谿所溜為榮水。臨泣所注為俞木。丘墟所過為原陽。輔所行為經火。陽陵泉所入為合土。凡此流注之道。須看日脚。陰日刺五穴。陽日刺六穴。理繁而昧。縱補瀉以何功。

蓋聖人立意垂法於後世。使其自曉也。若心無主持。則義理繁亂。而不能明解。縱依補瀉之法。亦有何効。或云

二
假如小腸實則瀉小海。虛則補後谿。大腸實則瀉二間。虛則補曲池。膽實則瀉陽輔。虛則補俠谿。此之謂也。中工治病已成之後。惟不知此理。不明虛實。妄投針藥。此乃醫之誤也。

法捷而明。曰迎隨而得用。

夫用針之法。要在識其通變。捷而能明。自然於迎隨之間。而得施為之妙也。

且如行步難移。太衝最奇。人中除脊脊之強痛。神門去心性之呆痴。風傷項急。始末於風府。頭暈目眩。要覓於風池。耳閉須聽會而治也。眼痛則合谷以推之。胸結身黃。取湧

泉而即可。腦昏目赤。寫橫竹以偏宜。但見兩肘之拘攣。伏

曲池而平掃。四肢之懈惰。憑照海以消除。牙齒痛。呂細堪

治。頭項強。承漿可依。太白宜通於氣衝。太白脾家真土。陰

陵開通於水道。陰陵泉真水。滋陰萬物。腹膨而脹。奪內庭。今休遲筋

轉而疼。瀉承山。而在早。大抵脚腕痛。崑崙解愈。股膝疼。陰

市能醫。癰發癰狂。今憑後谿而療理。瘡生寒熱。今仗間使

以扶持。期門罷。胸滿血膨。而可以勞宮退。胃翻心痛。亦何

疑。稽天大致。去七疝之偏墜。王公謂此。三里却五勞之羸

瘦。華陀言斯。固知腕骨祛黃。然骨寫腎。行間治膝腫。目赤

尺澤去肘疼。筋緊目昏。不見二間。宜取。鼻塞無聞。迎香可

引肩井除兩臂難任。絲竹療頭疼不忍。咳嗽寒痰。列缺

治眵眵冷淚。臨泣尤準。頭臨泣穴。

髓骨將腿痛以祛殘。

髓骨二穴在委中上三寸。髀樞中。垂手取之。治腿足疲

痛。針三分。一云跨骨在膝腘上一寸。兩筋空處是穴。刺

入五分。先補後瀉。其病自除。此即梁丘穴也。更治乳癰

按此兩解俱與經外奇穴不同。並存以俟知者。

腎腧把腰疼而瀉盡。

以見越人治屍厥於維會。隨手而甦。

維會二穴在足外踝上三寸。內應足少陽膽經。屍厥者

婦人血氣癥瘕堅積臍下冷痛。子宮斷緒。四度刺有孕。使胞和暖。或產後惡露不止。月事不調。血結成塊。盡能治之。針八分。留五呼。得氣即瀉。更宜多灸為妙。

文伯瀉死胎於陰。交應針而墮。

灸三壯。針三分。昔宋太子善醫術。出苑遊。逢一懷妊女人。太子胗之曰。是一女子。令徐文伯胗之。文伯曰。是一男一女。太子性暴。欲剖腹視之。文伯止曰。臣請針之。於是瀉足三陰。交補手陽明合谷。其胎應針而落。果如文伯之言。故今言妊婦不可針此穴。昔文伯見一婦人臨產。症危視之。乃子死在腹中。刺足三陰交二穴。又瀉足

太衝二穴。其子隨手而下。此說與銅人之文又不相同。聖人於是察麻與痛。分實與虛。

雖云諸疼痛皆以爲實。諸痒麻皆以爲虛。此大畧也。未盡其善。其中有豐肥堅而得其疼痛之疾者。亦有虛羸氣弱而感其疼痛之病者。非執而斷之。仍要推其得病之原。別其內外之感。然後真知其虛實也。實者瀉之。虛者補之。

實則自外而入也。虛則自內而出歟。

夫冒風寒中暑濕。此四時者。或因一時所感而受病者。謂實邪。此疾蓋是自外而入于內也。多憂慮。少心血。因

內傷而致病者。謂虛邪。此疾蓋是自內而出於外也。此分虛實內外之理也。一云。夫療病之法。全在識見。痺麻為虛。虛當補其母。疼痛為實。實當瀉其子。且如肝實瀉行間二穴。火乃肝木之子。肝虛補曲泉二穴。水乃肝木之母。胃實瀉厲兌二穴。金乃胃土之子。胃虛補解谿二穴。火乃胃土之母。三焦實瀉天井二穴。三焦虛補中渚二穴。膀胱實瀉束骨二穴。膀胱虛補至陰二穴。故經云。虛羸痺麻。氣弱者補之。豐肥堅硬。疼痛腫滿者瀉之。凡刺之要。只就本經取井榮俞原經合。行子母補瀉之法。乃為樞要。深知血氣往來多少之道。取穴之法。各明其

部分。即依本經而刺無不効也。

故濟母而裨其不足。奪子而平其有餘。

裨者補也。濟母者蓋補其不足也。奪子者奪去其有餘也。此補母瀉子之法。按補瀉經云。只非刺一經而已。假令肝木之病。實則瀉心火之子。虛則補腎水之母。其肝經自得安矣。五臟倣此。一云虛當補其母。實當瀉其子。故知肝勝脾。肝有病必傳與脾。聖人治未病。當先實脾。使不受肝之賊邪。子母不許相傳。大槩當實其母。正氣以增。邪氣必去。氣血往來。無偏傷。傷則痾疾蜂起矣。

觀二十七之經絡。一一明辨。

經者十二經也。絡者十五絡也。共計二十七之經絡相隨。上下流行觀之者。一一明辨也。

據四百四之疾症。件件皆除。

岐伯云。凡人稟乾坤而立身。隨陰陽而造化。按八節而榮順四時而易調。神養氣習性咽津。故得安和。四大舒緩。或一脈不調。則衆疾俱動。四大不和。百病皆生。凡人之一身。總計四百四病。不能一一具載。然變症雖多。但依經用法。件件皆除也。

故得夭枉都無。躋斯民於壽域。

躋者登也。夭者短也。枉者屈。傷其命也。夫醫之道。若能

明此用針之理。除疼痛迅若手拈。破鬱結渙如水釋。既得如此之妙。自此之後。並無夭枉之病。故斯民皆使登長壽之域矣。

幾微已判。彰往古之玄書。

幾微者。與妙之理也。判開也。彰明也。玄妙也。令與妙之理。已煥然明著於前。使後學易曉。

抑又聞心胸病。求堂後之大陵。肩背患。責肘前之三里。冷痺腎敗。取足陽明之士。連臍腹痛。瀉足少陰之水。脊間心後者。針中渚而立痊。脇下肋邊者。刺陽陵而即止。頭項痛。擬後谿以安然。腰脚疼。在委中而已矣。夫用針之士。於此

理苟能明焉。收祛邪之功。而在乎撚指。

夫用針之士。先要明其針法。次知形氣所在。經絡左右。所起血氣所行逆順所會。補虛瀉實之法。去邪安正之道。方能除疼痛于目前。療疾病于指下也。

靈光賦

針灸大全

黃帝岐伯針灸訣。依他經裏分明說。三陰三陽十二經。更有兩經分八脉。靈光典註極幽深。偏正頭疼瀉列缺。睛明治眼努肉攀耳聾。氣閉聽會開。兩鼻翕。針禾膠。鼻窒不開迎香間。治氣上壅足三里。天突死中治喘痰。心疼手顫針少海。少澤應除心下寒。兩足拘攣兌陰市。五般腰痛委中安。脾俞不動瀉丘墟。復溜治腫如神醫。犢鼻治療風邪疼。住喘却痛崑崙俞。後跟痛在僕參求。承山筋轉并久痔。足掌下去尋湧泉。此法千金莫妄傳。此穴多治婦人疾。男蠱女孕兩病痊。百會鳩尾治痢疾。大小腸俞大小便氣海。

血海療五淋。中腕下腕治腹堅。傷寒過經期。門愈氣刺兩乳求太淵。大敦二穴主偏墜。水溝間使治邪癲。吐血定喘補尺澤。地倉能止兩流涎。勞宮醫得身勞倦。水腫水分灸即安。五指不伸中渚取。頰車可灸牙齒愈。陰蹻陽蹻兩踝邊。脚氣四穴先尋取。陰陽陵泉亦主之。陰蹻陽蹻與三里。諸穴一般治脚氣。在腰玄機宜正取。膏肓豈止治百病。灸則玄切病須愈。針灸一穴數病除。學者尤宜加仔細。悟得明師流注法。頭目有病針四肢。針有補瀉明呼吸。穴應五行順四時。悟得人身中造化。此歌依舊是筌蹄。

蘭江賦

楊氏書

擔截之中數幾何。有擔有截起沉痾。我今詠此蘭江賦。何
用三車五輻歌。先將此法為定例。流注之中分次第。胸中
之病內關擔。臍下公孫用法攔。頭部須還尋列缺。痰涎壅
塞及咽乾。噤口咽風針照海。三稜出血刻時安。傷寒在表
并頭痛。外關瀉動自然安。眼目之症諸疾苦。更須臨泣用
針擔。後谿專治督脉病。癲狂此穴治還輕。申脉能除寒與
熱。頭風偏正及心驚耳鳴鼻衄。胸中滿好把金針此穴尋。
但遇痒麻虛即補。如逢疼痛瀉而迎。更有傷寒真妙訣。三
陰須要刺陽經。無汗更將合谷補。復溜穴瀉好施針。倘若

汗多流不絕。合谷收補効如神。四日太陰宜細辨。公孫照海一同行。再用內關施絕法。七日期門妙用針。但治傷寒皆用瀉。要知素問坦然明。流注之中分造化。常將水火土金平。水數虧兮宜補肺。水之泛濫土能平。春夏井滎刺宜淺。秋冬經合更宜深。天地四時同此類。三才常用記心胸。天地人部次第入。仍調各部一般勻。夫弱婦強亦有尅。婦弱夫強亦有刑。皆在本經擔與截。寫兩補北亦須明。經絡明時知造化。不得師傳枉費心。不遇至人應莫度。天寶豈可付非人。按定氣血病人呼。撞搓數十把。針扶戰退搖起。向上使氣自流行。病自無。

流注指微賦

竇氏

疾居榮衛。扶救者針。觀虛實于肥瘦。辨四時之淺深。是見取穴之法。但分陰陽而豁谷。迎隨逆順。須曉氣血而升沉。○原夫指微論中。疇義成賦。知本時之氣開。說經絡之流注。每披文而參其法。篇篇之旨。審存。復按經而察其言。字字之功。明諭疑隱。皆知虛實總附。移疼住痛。如有神針。下獲安。暴疾沉疴。至危篤。刺之勿悞。○詳夫陰日血引。值陽氣留口溫針。陽日氣引。逢陰血煖。牢寒濡。深求諸經。十二作數。絡脉十五為周。陰俞六十。臟主。陽穴七十二。腑收。刺陽經者。可卧針而取。奪血絡者。先俾指而柔。逆為迎。而順為

隨呼則瀉而吸則補。淺恙新病。用針之因。淹疾延患。着灸之由。藥煩藥餌而難拯。必取八會。癰腫奇經而畜邪。殲醜砭瘰。○况夫甲膽乙肝。丁火壬水。生我者號母。我生者名子。春井夏榮。乃邪在。秋經冬合。方刺矣。犯禁忌而病復。用日衰而難已。孫絡在于肉分。血行出于支裏。悶昏針暈。經虛補絡。湏然痛實。痒虛瀉于隨母。要指。○想夫先賢迅効。無出于針。今人愈疾。豈難於醫。徐文伯瀉孕於苑內。斯由甚速。范九思療咽於江夏。聞見言稀。○大抵古今遺跡。後世皆師。王纂鍼魅而立康。獺從彼出。秋夫療鬼而獲効。魂免傷悲。既而感指幽微。用針真訣。孔竅詳於筋骨。肉分刺。

要察於久新寒熱。接氣通經。短長依法。裏外之絕。羸盈必別。勿刺大勞。使人氣亂。而神墮。慎妄呼吸。防他針昏而閉血。又以常尋古義。由有戒機。遇高賢真趣。則超然得悟。逢達人示教。則表我扶危。男女氣脉。行分時合。度養子時刻。注穴須依今。詳定療病之宜。神針法式。廣搜難素之秘密。文辭深考。諸家之肘函妙臆。故稱廬江流注之指微。以爲後學之模規。

三卷

三十一

卷終

針灸大成卷之三

五運六氣歌

百穴法歌

十二經脉歌

玉龍歌

勝王歌

雜病穴法歌

雜病十一穴歌

長桑君天星秘訣歌

馬丹陽天星十二穴歌

肘後歌

針內障秘要歌

補瀉靈心歌

行針總要歌

刺法啓玄歌

諸家得失策

頭不多灸策

穴有奇正策

針有淺深策

五運主病歌

醫經小學

諸風掉眩乃肝木。痛癢瘡瘍心火屬。濕腫滿本脾土經氣。
貴鬱痿肺金伏。寒之收引腎水鄉。五運主病樞要目。

六氣為病歌

諸暴強直支痛。裏急筋縮厥。厥本足肝膽二經。厥陰風木
之氣。

諸病喘嘔及吐酸。暴注下迫轉筋難。小便渾濁血溢泄。痛
氣結核癆疹癰疽。吐下霍亂症。督鬱腫脹鼻塞乾。魴
淋秘身發熱。惡寒戰慄驚惑。間笑悲謔妄。衄蟻汚。腹脹鼓
之有聲和。少陰君火手二經。真心小腸氣之過。

瘥與強直積飲滯。霍亂中滿諸膈痞。體重吐下。肘腫。瘕肉。如泥之按不起。太陰濕土二足經。脾與從中胃之氣。

諸熱。腎瘕。筋惕。惕悸。動搖。振瘕。瘕極。暴瘖。冒昧。躁擾。狂罵。詈驚。駭氣上逆。肘腫。疼痠。嘔瘕。嘔瘕。喉痺。耳鳴。聾欲閉。嘔痛。溢食下不能。目昧不明。睵瘕。弱。或禁慄之如喪神。暴病暴死。暴注利少。陽相火手二經。心包絡與三焦氣。

諸溢。枯涸。閉乾。勁揭。皴起。陽明之燥。金肺與大腸氣。

上。下水液出。澄冷。癥瘕。癰疽。堅痞。病腹滿急痛。痢白清。食已不饑。吐痢。腥屈伸不便。與惡逆。厥逆。禁固。太陽經。腎與膀胱為寒水。陰陽標本六氣。示。

百穴法歌

神應經

手之太陰經屬肺。尺澤肘中約紋是列缺。側腕寸有半經渠。寸口陷脉記太淵。掌後橫紋頭魚際。節後散脉裏少商。大指內側尋。爪甲如韭此為的。

手陽明經屬大腸。食指內側號商陽。本節前取二間定。本節後勿三間忘。岐骨陷中尋合谷。陽谿腕中上側詳。三里曲池下三寸。曲池曲肘外輔當。肩髃肩端兩骨覓。五分俠孔取迎香。

足陽明胃之經。頭維本神寸五分。頰車耳下八分是地倉。俠吻四分臨。伏兔陰市上三寸。陰市膝上三寸鍼。三里

膝下三寸取。上廉下三寸主。下廉上廉下三寸。解谿腕上繫鞋處。衝陽陷谷上二寸。陷谷庭後二寸。舉內庭次指外間求。厲兌如韭足次指。

足之太陰經屬脾。隱白大指內角宜。大都節後白肉際。太白後一下一為公孫。節後一寸得商。丘踝下前取之內踝三寸陰交穴。陰陵膝內輔下施。

手少陰心之經。少海肘內節後明通里。掌後橫一寸神門。掌後銳骨精。

手太陰小腸索。小指之端取少澤。前谷外側本節前後谿。節後仍外側。腕骨腕前起骨下。陽谷銳下腕中得少海。

肘端去五分。聽宮耳珠如叔側。

太陽膀胱何處看。睛明目眥內角畔。攢竹兩眉頭陷中。絡却後髮四寸半。肺俞三椎膈俞七。肝俞九椎之下。按腎俞十四推下旁。膏肓四五三分筭。委中膝膕約紋中。承山腓下分肉斷。崑崙踝下後五分。金門踝下陷中。撰申脉踝下筋骨間。可容爪甲。慎勿亂。

以陰腎兮安所覓。然谷踝前骨下識。太谿內踝後五分。照海踝下四分的。復溜內踝上二寸。向後五分太谿直。

手厥陰兮心包絡。曲澤肘內橫紋作。間使掌後三寸末。內關二寸始無錯。大陵掌後兩筋間。中衝中指之端度。

手少陽兮三焦論。小次指間名液門。中渚次指本節後陽池。表腕有穴存。腕後二寸外關絡。支溝腕後三寸。聞天井肘上一寸許。角孫耳廓開口分。絲竹肩後陷中按。耳門耳缺非虛文。

足少陽膽取聽會。耳前陷中分明揣。目上入髮際五分。臨泣之穴於斯在。目窻泣上寸半存。風池髮後際中論。肩井骨前看寸半。帶脉肋下寸八分。環跳髀樞尋宛宛。風市髀外兩筋顯。陽陵膝下一寸求。陽輔踝上四寸遠。絕骨踝上三寸從。丘墟踝前有陷中。臨泣俠谿後寸半。俠谿小次岐骨縫。

厥陰肝經果何處。大敦。拇指有毛聚行間骨尖動脉中。太衝。節後有脉據中。封一。寸內踝前。曲泉。紋頭兩筋著。章門。臍上二寸量橫取六寸看兩傍。期門。乳傍一寸半。直下寸半二肋詳。

督脉水溝鼻柱下。上星入髮一寸者。百會正在頂之巔。風府後髮一寸把。瘡門後髮際五分。大椎第一骨上存。腰俞二十一椎下。請君仔細詳經文。

任脉中行正居腹。關元。臍下三寸錄。氣海。臍下一寸半。神闕。臍中隨所欲。水分。臍上一寸求。中脘。臍上四寸取。臍中兩乳中間索。承漿。宛宛唇下搜。

十二經脉歌

聚英

手太陰肺中焦生。下絡大腸出賁門。上膈屬肺從肺系。系橫出腋肱中行。肘臂寸口上魚際。大指內側爪甲根。支絡還從腕後出。接次指屬陽明經。此經多氣而少血。是動則病喘與欬。肺脹膨。膨缺盆痛。兩手交督為臂厥。所生病者為氣嗽。喘渴煩。心胸滿。結。肱臂之內前廉痛。小便頻數。掌中熱。氣虛肩背痛而寒。氣盛亦疼。風汗出。欠伸。少氣不足。息遺矢。無度。溺色赤。

陽明之脉手大腸。次指內側起商陽。循指上連出合谷。兩筋岐骨循臂肪。入肘外廉循肱外。有端前廉柱骨旁。從肩

下入缺盆內。絡肺下膈。屬大腸。支從缺盆直上頸斜貫頰。
前下齒當環出人中交左右。上俠鼻孔注迎香。此經氣盛
血亦盛。是動頰腫并齒痛。所生病者為衄。目黃口乾喉
痺生。大指次指難為用。肩前膈外痛相仍。氣有餘兮脉熱
腫。虛則寒慄病偏增。

胃足陽明交鼻起。下循鼻外下入齒。還出俠口繞承漿。頤
後大迎頰車裏。耳前髮際至額顙。支下人迎缺盆底下膈
入胃絡脾宮。直者缺盆下乳內。一支幽門循腹中。下行直
合氣衝逢。遂由髀關抵膝臑。肘跗中指內關同。一支下膝
注三里。前出中指外關通。一支別走足跗指。大指之端經

盡已。此經多氣復多血。是動欠伸。面顏黑。悽悽惡寒。畏見人。忽聞木音。心驚惕。登高而歌。棄衣走。甚則腹脹。仍責響。凡此諸疾。皆肝厥所生病者。為狂癡。溫淫。汗出鼻流血。口喎唇裂。又喉痺。膝膕疼痛。腹脹結氣。膈伏。兔肝外廉足跗中指俱痛。微有餘消。穀溺色黃。不足。身前寒振慄。胃房脹。滿食不消。氣盛。身前皆有熱。

太陰脾起足大指上循內側白肉際。核骨之後內踝前。上膈循肝經。膝裏股內前廉入腹中。屬脾絡胃與膈通。俠喉連舌散舌下。支絡從胃注心宮。此經氣盛而血衰。是動其病氣所為。食入即吐。胃脘痛。更熱身重。痛難移。腹脹善噫。

舌本強得後與氣快然衰。所生病者舌亦痛。體重不食。亦如之。煩心。心下仍急痛。泄水。溏。痠寒。瘡隨不卧。強立股膝腫。疸。發身黃大指痠。

手少陰脉起心中。下膈。直與小腸通。支者還從肺系走直上喉。嚨。繫目瞳。直者上肺出腋下。臑後肘內少海。從臂內後廉抵掌中。銳骨之端。注少衝。多氣少血。屬此經。是動心脾痛難任。渴欲飲水咽乾燥。所生臑痛。目如金。脇臂之內後廉痛。掌中有熱。向經尋。

手太陽經小腸脉。小指之端起。少澤。循手外廉出踝中。循臂骨出肘內側。上循臑外出後廉。直過肩解。繞肩胛。交肩

下入缺盆內。向腋絡心循咽嗑。下膈抵胃屬小腸。一支缺
盆貫頸頰。至目銳眦却入耳。復從耳前仍上頰抵鼻。升至
目內眦。斜絡於顙別絡接此經。少氣還多血。是動則病痛
咽嗑。頰下腫。今不可顧。肩如拔。今臑似折。所生病主肩臑
痛。耳聾。目黃腫。腮頰肘臂之外後廉痛。部分猶當細分別。
足太陽經膀胱脉。目內眦上起額尖。支者巔上至耳角。直
者從巔腦後懸絡腦。還出別下項。仍循肩膊俠脊邊抵腰
膂。腎膀胱內。一支下與後陰連。貫髀斜入委中穴。一支膊
內左右別貫。胛俠脊過髀樞。臂內後廉臑中合。下貫臑內
外踝後。京骨之下。指外側。此經血多氣猶少。是動頭疼不

可當項如拔兮腰似折。髀樞痛徹脊中央。腮如結兮膈如裂。是為踝厥筋乃傷。所生瘡痔小指廢。頭額項痛目色黃。腰尻腮脚疼連背。淚流鼻衄及癲狂。

足經腎脉屬少陰。小指斜趨湧泉心。然骨之下內踝後。別入跟中膈內侵。出腮內廉上股內。貫脊屬腎膀胱臨。直者屬腎貫肝膈。入肺循喉舌本鼻。支者從肺絡心內。仍至胸中部分深。此經多氣而少血。是動病飢不欲食。喘嗽唾血喉中鳴。坐而欲起面如垢。目視眈眈氣不足。心懸如飢常惕惕。所生病者為舌乾。口熱咽痛氣貫遍。股內後廉并脊疼。心腸煩痛疽而癖。痿厥嗜卧體怠惰。足下熱痛皆腎厥。

手厥陰心主起胸。屬包下膈三焦宮。支者循胸出脇下。脇下連腋三寸同。仍上抵腋循膈內。太陰少陰兩經中。指透中衝支者別。小指次指絡相通。此經少氣原多血。是動則病手心熱。肘臂攣急腋腫甚。則胸脇支滿結。心中澹澹或大動。善笑目黃面赤色。所生病者為煩心。心痛掌_{熱病之則}手經少陽三焦脉。起自小指次指端。兩指歧骨手腕表上出臂外兩骨間。肘後膈外循肩。上少陽之後交別傳。下入缺盆。膺中分散。終心包膈裏穿。支者膺中缺盆上。上項耳後耳角旋。屈下至頤。仍注頰一支。出耳入耳前。却從上關交曲頰。至目內眥。乃盡焉。此經少血。還多氣。是動耳鳴喉

腫痺。所生病者汗自出耳後痛兼目銳眚肩臑肘臂外皆疼。小指次指亦如廢。

足脉少陽膽之經始從兩目銳眚生抵頭循角下耳後腦空風池次循行手少陽前至角上交少陽右上缺盆支者耳後貫耳內出走耳前銳眚循一支銳眚大迎下合手少陽抵項根上加頰車缺盆合入胸貫膈絡肝經屬膽仍從脇裏過下入氣衝毛際榮橫入髀厭環跳內直者缺盆下腋膺過季脇下髀厭內出膝外廉是陽陵外輔絕骨踝前過足跗小指次指分一支別從大指去三毛之際接肝經此經多氣而少血是動口苦善太息心脇疼痛難轉移面

塵足熱體無澤。所生頭痛連銳。皆缺盆腫痛。併兩腋。馬刀
挾癭生兩旁。汗出振寒。痲廔疾。胸脇髀膝至脛骨。絕骨踝
痛及諸節。

厥陰足脉肝所終。大指之端毛際叢足跗上廉太衝分。踝
前一寸入中封。上踝交出太陰後。循臍內廉陰股衝環繞
陰器抵小腹。俠胃屬肝絡膽逢上貫膈裹布脇肋。俠喉頰
頰目繫同。脉上頰會督脉出。支者還生目系中。下絡頰裏
環唇內支者便從膈肺通。此經血多氣少焉。是動腰疼俛
仰難。男疝女人大腹腫。面塵脫色及咽乾。所生病者為胸
滿嘔吐洞泄小便難。或時遺溺并狐疝。臨症還須仔細看。

玉龍歌。

楊氏註解

扁鵲授我玉龍歌。玉龍一試絕沉痾。玉龍之歌真罕得。流傳千載無差訛。我今歌此玉龍訣。玉龍一百二十穴。看者行針殊妙絕。但恐時人自差別。補瀉分明指下施。金針一刺顯明醫。僂者立伸。倭者起。從此名揚天下知。

凡患僂者。補曲池。瀉人中。患倭者。補風池。瀉絕骨。

中風不語最難醫。髮際頂門穴要知。更向百會明補瀉。即時甦醒免災危。

頂門即顛會也。禁針灸。五壯。百會先補後瀉。灸七壯。艾如麥大。

鼻流清涕名鼻淵。先瀉後補疾可痊。若是頭風并眼痛。上星穴內刺無偏。

上星穴流涕并聞香臭者。瀉俱得氣補。

頭風嘔吐眼昏花。穴取神庭始不差。孩子慢驚何可治。印堂刺入艾還加。

神庭入三分。先補後瀉。印堂入一分。沿皮透左右攢竹。大哭効。不哭難。急驚瀉。慢驚補。

頭項強痛難回顧。牙疼并作一般看。先向承漿明補瀉。後針風府即時安。

承漿宜瀉。風府針不可深。

偏正頭風痛難醫。絲竹金針亦可施。沿皮向後透。率谷一針兩穴世間稀。

偏正頭風有兩般。有無痰飲細推觀。若然痰飲風池刺。倘無痰飲合谷安。

風池刺一寸半。透風府穴。此必橫刺方透也。宜先補後瀉。灸十一壯。合谷穴針至勞宮。灸二七壯。

口眼喎斜最可嗟。地倉妙穴連頰車。喎左瀉右依師正。喎右瀉左莫令斜。

灸地倉之艾。如菉豆。針向頰車。頰車之針。向透地倉。不聞香臭從何治。迎香兩穴可堪攻。先補後瀉分明效。

針未出氣先通。

耳聾氣閉痛難言。須刺翳風穴始痊。亦治項上生瘰癧。下針瀉動即安然。

耳聾之症不聞聲。痛痒蟬鳴不快情。紅腫生瘡須用瀉。宜從聽會用針行。

偶爾失音言語難。啞門一穴兩筋間。若知淺針莫深刺。語言和煦舊安。

眉間疼痛苦難當。攢竹沿皮刺不妨。若是眼昏皆可治。更針頭維即安康。

攢竹宜瀉頭維入一分。沿皮透兩額角。疲瀉眩暈補。

兩睛紅腫痛難熬。怕日羞明。心自焦。只刺睛明魚尾穴。太陽出血自然消。

睛明針五分。後畧向鼻中。魚尾針透魚腰。即童子膠。俱禁灸。如虛腫不宜去血。

眼痛忽然血貫睛。羞明更流。最難聒。須得太陽針血出。不用金刀。疾自平。

心血炎上。兩眼紅迎香穴內刺為通。若將毒血搐出。後目內清涼。始見功。

內迎香二穴。在鼻孔中。用蘆葉或竹葉。搐入鼻內。出血為妙。不愈再針合谷。

三卷
強痛脊背瀉人中。挫閃腰痠亦可攻。更有委中之一穴。腰間諸疾任君攻。

委中禁灸。四畔紫脉上皆可出血。弱者慎之。

腎弱腰疼不可當。施為行止甚非常。若知腎俞二穴處。艾火頻加體自康。

環跳能治腿股風。居膠二穴認真攻。委中毒血更出盡。愈見醫科神聖功。

居膠灸則筋縮。

膝腿無力身立難。原因風濕致傷殘。倘知二市穴能灸。步履悠然漸自安。

俱先補後瀉。二市者風市陰市也。

髓骨能醫兩腿疼。膝頭紅腫不能行。必針膝眼膝關穴。功效須臾病不生。

膝關在膝蓋下。犢鼻內橫針透膝眼。

寒濕脚氣不可熬。先針三里及陰交。再將絕骨穴兼刺。腫痛登時立見消。

即三陰交也。

腫紅腿足草鞋風。須把崑崙一穴攻。申脉太谿如再刺。神醫妙訣起疲癯。

外崑針透內呂。

脚背疼起丘墟穴斜針出血即時輕解谿再與商丘識補
瀉行針要辨明。

行步艱難疾轉加太衝二穴効堪誇更針三里中封穴去
病如同用手爪。

膝蓋紅腫鶴膝風陽陵二穴亦堪攻陰陵針透尤收効紅
腫全消見異功。

腕中無力痛艱難握物難移體不安腕骨一針雖見効莫
將補瀉等閑看。

急疼兩臂氣攻胃肩井分明穴可攻此穴元來真氣聚補
多瀉少應其中。

此二穴針二寸効。乃五臟真氣所聚之處。倘或體弱針
暈。補足三里。

肩背風氣連臂疼。背縫二穴用針明五樞。亦治腰間痛。得
穴方知疾頓輕。

背縫二穴在背肩端骨下。直腋縫尖針二寸。灸七壯。
兩肘拘攣筋骨連。艱難動作欠安然。只將曲池針。瀉動尺
澤。兼行見聖傳。

尺澤宜瀉不灸。

肩端紅腫痛難當。寒濕相爭氣血狂。若向曲池
顯明補瀉管。君多灸自安康。

筋急不開手難伸。尺澤從來要認真。頭面縱有諸樣症。一針合谷効通神。

腹中氣塊痛難當。穴法宜向內關防。八法有名陰維穴。腹中之疾永安康。

先補後瀉不灸。如大便不通瀉之即通。

腹中疼痛亦難當。大陵外關可消詳。若是脇疼并閉結。支溝奇妙効非常。

脾家之症最可憐。有寒有熱兩相煎。間使二穴針瀉動熱。瀉寒補病俱痊。

間使透針支溝。如脾寒可灸。

九種心痛及脾疼。上腕穴內用神針。若選脾敗中腕補兩針。神効免災侵。

痒漏之疾亦可憎。表裏急重最難禁。或痛或痒或下血。二白穴在掌中尋。

二白四穴在掌後。去橫紋四寸。兩穴相對。一穴在大筋內。一穴大筋外。針五分。取穴用稻心。從項後圍至結喉。取草摺齊。當掌中大指虎口紋。雙圍轉兩筋頭點到掌後臂草盡處。是即間使後一寸。郄門穴也。灸二十七壯。針宜瀉。如不愈。灸騎竹馬。

三焦熱氣壅上焦。口苦舌乾。豈易調。針刺關衝出血口。

生津液病俱消。

手臂紅腫連腕疼。液門穴內用針明。更將一穴名中渚。多瀉中間疾自輕。

液門沿皮針向後透陽池。

中風之症症非輕。中衝二穴可安寧。先補後瀉如無應。再刺人中立便輕。

中衝禁灸驚風灸之。

膽寒心虛病如何。少冲二穴最功多。刺入三分不着艾。金針用後自平和。

時行瘡瘡最難禁。穴法由來未審明。若把後谿穴尋得多。

加艾火即時輕。

熱瀉寒補。

牙疼陣陣苦想煎穴在二間要得傳。若患翻胃并吐食中魁奇穴莫教偏。

乳鴛之症少人醫。必用金針疾始除。如若少商出血後即時安穩免災危。

三稜針刺之。

如今癰疹疾多般。好手醫人治亦難。天井二穴多看艾。縱生瘰癧灸皆安。

宜寫七壯。

寒痰咳嗽更蕪風列缺二穴最可攻。先把太淵一穴瀉多。加艾火即收功。

列缺刺透太淵擔穴也。

痴呆之症不堪親。不識尊卑枉罵人。神間獨治痴呆病。轉手骨開得穴真。

宜瀉灸。

連日虛煩面赤。心中驚悸亦難當。各須通里穴尋得。一用金針體便康。

驚恐補虛煩瀉針五分。不灸。

風眩目爛最堪憐。淚出汪汪不可言。大小骨空皆妙穴。多

加艾火疾應痊。

大小骨空不針。俱灸七壯吹之。

婦人吹乳痛難消。吐血風痰稠似膠。少澤穴內明補瀉。應時神効氣能調。

刺沿皮向後三分。

滿身發熱痛為虛。盜汗淋淋漸損軀。須得百勞椎骨穴。金針一刺疾俱除。

忽然咳嗽腰背疼。身柱由來灸便輕。至陽亦治黃疸病。先補後瀉効分明。

針俱沿皮三分。灸二十七壯。

腎敗腰虛小便頻。夜間起止苦勞神。命門若得金針助。腎俞灸灸起遺連。

多灸不瀉。

九般痔漏最傷人。必刺承山効若神。更有長強一穴是。呻吟大痛穴為真。

傷風不解嗽頻頻。久不醫時勞便成。咳嗽須針肺俞穴。痰多宜向豐隆尋。

灸方効。

膏肓二穴治病深。此穴原來難摩搥。斯穴禁針多着艾。二十一壯亦無妨。

腠理不密。咳嗽頻鼻流清涕。氣昏沉。須知噴嚏風門穴。咳嗽宜加艾火。洙。

針沿皮向外。

膽寒由是怕驚心。遺精白濁實難禁。夜夢鬼交心。俞治白環俞治一般針。

更加臍下氣海兩旁効。

肝家血少月信花。宜補肝俞力便加。更把三里頻瀉動。還光益血自無差。

多補少瀉灸。

脾家之症有多般。致成番胃吐食難。黃疸亦須尋腕骨。金

針必定奪中腕。

無汗傷寒瀉復溜。汗多宜將合谷收。若然六脉皆微細。金針一補脉還浮。

針復溜入三分。沿皮向骨下一寸。

大便閉結不能通。照海分明在足中。更把支溝來瀉動。方知妙穴有神功。

小腹胀滿氣攻心。內庭二穴要先針。兩足有水臨泣瀉。無水方能病不侵。

針口用油。不閉其孔。

七般疔氣取大敦。穴法由来清側間。諸經共載三毛處。不

遇師傳隔萬山。

傳屍勞病最難醫。湧泉出血免災危。痰多須向豐隆瀉。氣喘丹田亦可施。

渾身疼痛疾非常。不定穴中細審詳。有筋有骨須淺刺。灼艾臨時要度量。

不定穴即痛處。

勞宮穴在掌中尋。滿手生瘡痛不禁。心胸之病大陵瀉。氣攻胃腹一般針。

哮喘之症最難當。夜間不睡氣遑遑。天突紗穴宜尋得。置中着艾便安康。

鳩尾獨治五般癰。此穴須當仔細觀。若然着艾宜七壯多。則傷人針亦難。

非高手毋輕下針。

氣喘急急不可眠。何當日夜苦憂煎。若得璇璣針瀉動。更取氣海自安然。

氣海先補後瀉。

豎強疝氣發甚頻。氣上攻心似死人。關元蕪刺大敦穴。此法親傳始得真。

水病之疾最難熬。腹滿虛脹不肯消。先灸水分并水道。後針三里及陰交。

腎氣冲心得幾時。須用金針疾白除。若得關元并帶脉。四海誰不仰明醫。

赤白婦人帶下難。只因虛敗不能安。中極補多宜瀉少。灼艾還須着意看。

赤瀉白補。

乳喘之症。軟痰多。若用金針。疾自和。俞府乳根。一樣刺氣。喘風痰。漸漸磨。

傷寒過經。未解。須向期門穴上針。忽然氣喘。攻胃膈。三里瀉多。須用心。

期門先補後瀉。

脾泄之症別無他。天樞二穴刺休差。此是五臟脾虛疾。艾火多添病不加。

多灸宜補。

口臭之疾最可憎。勞心只爲苦多情。大陵穴內人中瀉。心得清涼氣自平。

穴法深淺在指中。治病須臾顯妙功。勸君要治諸般疾。何不當初記玉龍。

勝玉歌

楊氏

勝玉歌分不虛言。此是楊家真秘傳。或針或灸依法語。補瀉迎隨隨手撚。頭痛眩暈百會好。心疼脾痛上皖先。後谿鳩尾及神門。治療五癰立便痊。

鳩尾穴禁灸。針三分。家傳灸七壯。

脾疼要針肩井穴。耳閉聽會莫遲延。

針一寸半。不宜停。經言禁灸。家傳灸七壯。

胃冷下皖却為良。眼痛須覓清冷淵。

霍亂心疼吐痰涎。巨闕着艾便安然。脾疼背痛中渚瀉。頭風眼痛上星專。

頭項強急。氣漿保牙。腮疼緊大迎全。行間可治膝腫病。尺澤能醫筋拘攣。

若人行步苦艱難。中封太衝針便痊。脚背痛時商丘刺。瘰癧少海天井邊。筋疼閉結支溝穴。頷腫喉閉少商前。脾心痛急尋公孫。委中驅療脚風纏。

瀉却人中及頰車。治療中風口吐沫。五瘡寒多熱更多。間使大杼真妙穴。經年或變勞怯者。痞滿臍旁章門決。噎氣吞酸食不投。膈中七壯除膈熱。目內紅痛苦皺眉。絲竹攢竹亦堪醫。若是痰涎并咳嗽。治却須當灸肺俞。更有天突與筋縮。小兒吼閉自然疎。兩手痠疼難執物。曲池合谷共

肩臂疼背痛針三里頭風頭痛灸風池腸鳴大便時泄瀉臍旁兩寸灸天樞諸般氣症從何治氣海針之灸亦宜小腸氣痛歸來治腰痛中空穴最奇。

中空穴從腎俞穴量下三寸各開三寸是穴灸十四壯向外針一寸半此即膀胱經之中髎也。

腿股轉痠難移步妙穴說與後人知環跳風市及陰市瀉却金針病自除。

陰市雖云禁灸家傳亦灸七壯。

熱瘡臍內年年發血海尋來可治之兩膝無端腫如斗膝眼三里艾當施兩股轉筋承山刺脚氣復溜不須疑踝跟

骨痛灸崑崙。更有絕骨共丘墟。灸罷大敦除疝氣。陰交針入下胎衣。

遺精白濁心命治。心熱口臭大陵驅。腹脹水分多得力。黃疸至陽便能離。肝血盛兮肝俞瀉。痔疾腸風長強欺。腎敗腰疼小便頻。腎脉兩旁腎俞除。六十六穴施應驗。故成歌訣顯針奇。

雜病穴法歌。

醫學入門

雜病隨症選雜穴。仍兼原令與八法。經絡原會別論詳。臟腑俞募當謹始。根結標本理玄微。四關三部識其處。傷寒一日刺風府。陰陽分經次第取。

傷寒一日太陽風府。二日陽明之榮。三日少陽之俞。四日太陰之井。五日少陰之俞。六日厥陰之經。在表刺三陽經穴。在裏刺三陰經穴。六日過經未汗。刺期門三里。古法也。惟陰症灸關元穴為妙。

汗吐下法非有他。合谷內關陰交杵。

汗針合谷入二分。行九九數搓數十次。男左搓。女右搓。

得汗行瀉法。汗止身溫出針。如汗不止針陰市。補合谷。
○吐針內關入三分。先補六次。瀉三次。行子午搗臼法。
三次。提氣上行。又推戰一次。病人多呼幾次。即吐。如吐
不止。補九陽數。調勻呼吸。三十六度吐止。徐出針。急捫
穴。吐不止。補足三里。○下針三陰交入三分。男左女右。
以針盤旋右轉。六陰數畢。用口鼻閉氣。吞鼓腹中。將瀉
插一下。其人即泄。鼻吸手瀉三十六遍。方開口鼻之氣。
插針即泄。如泄不止。針合谷。升九陽數。凡汗吐下。仍分
陰陽補瀉。就流注穴行之尤妙。

一切風寒暑濕邪。頭疼發熱。外關起。頭面耳目口鼻病。曲

池合谷為主。偏正頭疼左右針。左列缺太淵不用補。

頭風目眩項拔強中。肺金門手三里赤眼迎香出血奇。臨

泣太衝合谷侶。眼腫血爛耳聾臨泣補與金門合谷俱針。

後聽人語鼻寒鼻塞及鼻淵合谷太衝。俱隨手取口禁啞。

斜流涎多地倉頰車仍可舉。口舌生瘡舌下竅三稜刺血

非粗鹵。舌下兩筋舌裂出血尋內關太衝陰交走上部。舌上

生胎合谷當手三里治舌風舞牙風面腫頰車神合谷。足

臨泣瀉不數二陵二蹻與二交頭項手足互相與兩井兩

商二三間。手上諸風得其所。手指連肩相引疼合谷太衝

能救苦。手三里治肩連臍脊間心後脊中渚。冷嗽只宜補

合谷。三陰交。瀉即時住。霍亂中腕可入深。三里內庭瀉幾
許。心痛。番胃刺勞宮。寒者少澤細手指。心痛手戰少
海求。若要除根。陰市觀大淵列缺穴相連。能祛氣痛。刺兩
乳脇痛。只須陽陵泉。腹痛公孫內關。爾瘧疾素問分各經。
危氏刺指舌紅紫。

足太陽瘧。先寒後熱。汗出不已。刺金門。足少陽瘧。寒熱
心惕。汗多。刺伏谿。足陽明瘧。寒久乃熱。汗出喜見火光。
刺衝陽。足太陰瘧。寒熱善嘔。嘔已乃衰。刺公孫。足少陰
瘧。嘔吐甚欲閉戶。刺大鍾。足厥陰瘧。少腹滿小便不利。
刺太衝。心瘧刺神門。肝瘧中封。脾瘧商丘。肺瘧列缺。腎

瘧太谿胃瘧厲兌危氏刺手十指及舌下紫腫筋出血

痢疾合谷三里宜甚者必須兼中膺

白痢合谷赤痢小腸赤白足三里中膺

心膈痞滿陰陵泉針到承山飲食美泄瀉肚腹諸般疾足

三里內庭功無比水腫水分與復溜

俱瀉水分先用小針次用大針以雞翎管透之水出濁

者死清者生急服緊皮丸飲之此鄉村無藥粗人體實

者針之若高人則禁針○取血法先用針補入地部少

停瀉出人部少停復補入地部少停瀉出針其瘀血自

出虛者只有黃赤出若脚上腫大欲放水者仍用此法

於復溜穴上取之

脹滿中脘三里揣。

內經針腹以布纏繳針家另有盤法先針入二寸五分退出二寸只留五分在內盤之如要取上焦包絡之病用針頭迎向上刺入二分補之使氣攻上若臍下有病針頭向下退出二分瀉之此特備古法初學不可輕用

腰痛環跳委中神若連背痛崑崙武腰連腿疼腕骨升三里降下隨拜跪足三里腰連脚痛怎生醫補環跳瀉行

間與風市脚膝諸痛美行間三里申脉金門侈脚若轉筋眼發花然谷承山法自古兩足難移先懸鍾條口後針能步履兩足痠麻補太谿僕參內庭盤跟楚脚盤痛瀉內庭

脚連脇肢痛難當。環跳陽陵泉內杵。冷風濕痺針環跳。陽

陵三里燒針尾。

燒三五壯。知痛即止。

七疝大敦與太衝。五淋血海通。

男婦大便虛秘補支溝。瀉足三里効可擬。熱秘氣秘先長

強。大敦陽陵堪調護。小便不通陰陵泉。三里瀉下溺如注。

內傷食積針足

手

三里。璇璣相應塊亦消。脾病氣血先合谷。

後刺三陰針用燒。一切內傷內關穴。痰火積塊退煩潮。吐

血尺澤功無比。衄血上唇與禾髻。喘急列缺足三里。嘔噎

陰交不可競。勞宮能治五般癰。更刺湧泉疾若挑。神門專

治心痴呆。人中間使祛癰效。尸厥百會一穴美。更針隱白

効昭昭。

外用筆管吹耳。

婦人通經瀉合谷。三里至陰催孕姪。虛補合谷。

死胎陰交不可緩胞衣照海內關尋

俱小兒驚風少商穴

人中湧泉瀉莫深癰疽初起審其穴只刺陽經不刺陰

陽經謂癰從背出者當從太陽經至陰通谷束骨崑崙

委中五穴選用從髀出者當從少陽經竅陰俠谿臨泣

陽輔陽陵泉五穴選用從髭出者當從陽明經厲兌內

庭陷谷衝陽解谿五穴選用從胸出者則以絕骨一穴

治之凡癰疽已破死神朔望不忌

傷寒流注分手足太衝內庭可浮沉熱此釜啼手要活得
後方可度金針又有一言真秘訣上補下瀉值千金

雜病十一穴歌。

聚英

擯竹絲空主頭疼。偏正皆宜向此針。更去大都除瀉動風池。針刺三分深。曲池合谷先針瀉。永與除痼病不侵。依此下針無不應。管救隨手便安寧。

頭風頭痛與牙疼。合谷三間兩穴尋。更向大都針眼痛。太淵穴內用針行。牙疼三分針。呂細齒痛依前指上明。更推大都左之右。交互相迎仔細窮。

聽會無之與聽官。七分針瀉耳中聾。耳門又瀉三分許。更加七壯灸聽官。大腸經內將針瀉。曲池合谷七分中。醫者若能明此理。針下之時便見功。

肩背并和肩膊疼。曲池合谷七分深。未愈尺澤加一寸。更於三間次第行。各入七分於穴內。少風二府刺心經。穴內淺深依法用。當時蠲疾兩之輕。

咽喉以下至於臍。胃腕之中百病危。心氣痛時胸結硬。傷寒嘔噦悶涎隨。列缺下針三分許。三分針瀉到風池。二指三間并三里。中衝還刺五分依。

汗出難來到腕骨。五分針瀉要君知。魚際經渠并通里。一分針瀉汗淋漓。二指三間及三里。大指各刺五分宜。汗至如若通遍體。有人明此是良醫。

四肢無力中邪風。眼澁難開百病攻。精神昏倦多不語。風

池合谷用針通兩手三間隨瀉三里兼之與太衝各入五分於穴內迎隨法有奇功。

風池手足持諸間右疾偏風左曰癱各刺五分隨後瀉更灸七壯使身安三里陰交行氣瀉一寸三分量病者每穴又加三七壯自然癱瘓即時安。

肘痛將針刺曲池經渠合谷共相宜五分針刺於二穴瘡病纏身使得離未愈更加三間刺五分深刺莫憂疑又兼氣痛憎寒熱間使行針莫用遲。

腿膀腰疼痞氣攻髓腎穴內士分窮更針風市兼三里一寸三分補瀉同又去陰交瀉一寸行間仍刺五分中剛柔

進退隨呼吸。去疾除病。捫以。

肘膝疼時刺曲池。進針一寸是相宜。左病針右。右病針左。依此三分瀉氣。奇。膝痛三寸針犢鼻。三里除。仔細尋其理。劫病之功在片時。

長桑君天星秘訣歌

乾坤生意

天星秘訣少人知。此法專分前後施。若是胃中停宿食。後
尋三里起璇璣。脾病血氣先合谷。後刺三陰交。莫遲如中
鬼邪先間使。手臂攣痛取肩髃。脚若轉筋并眼花。先針承
山。次內踝。脚氣痠疼肩井先。次尋三里陽陵泉。如是小腸
連臍痛。先刺陰陵後湧泉。耳鳴腰痛先五會。次針耳門主
里內。小腸氣痛先長強。後刺大敦。不要忙。足緩難行先絕
骨。次尋條口及冲陽。牙疼頭痛兼喉痺。先刺二間後三里。
胸膈痞滿先陰交。針到承山飲食喜。肚腹浮腫脹膨膨。先
針水分瀉建里。傷寒過經不出汗。期門通里先後者。寒瘡

面腫及腸鳴先取合谷後內庭冷風濕痺針何處先取環跳次陽陵指痛攣急必商好依法施之無不靈此是桑君真口訣時醫莫作等閑輕

馬丹陽天星十二穴治雜病歌

三里內庭穴曲池合谷接委中配承山太衝崑崙穴環跳與陽陵通里并列缺合擔用法擔合截用法截三百六十穴不出十二訣治病如神靈渾如湯潑雪北斗降真機金鎖教開徹至人可傳授匪人莫浪說

其一

三里膝眼下三寸兩筋間能通心腹脹善治胃中寒腸鳴

并泄瀉。腿腫膝脰痠。傷寒羸瘦。損氣蠱及諸般年過三旬。後針灸眼便寬。取穴當審的。八分三壯安。

其二

內庭次指外。本屬足陽明。能治四肢厥。喜靜惡聞聲。癰疹咽喉痛。數欠及牙疼。虛疾不能食。針着便惺惺。針三分。灸三壯。

其三

曲池拱手取。屈指骨追求。善治肘中痛。偏風手不收。挽弓開不得。筋緩莫抗頭。喉閉促欲死。發熱更無休。遍身風癰癩。針着即時瘳。針五分。灸三壯。

其四

合谷在虎口。兩指岐骨間。頭疼并面腫。瘡病熱還寒。齒齲鼻衄血。口禁不開言。針入五分深。令人即便安。灸三壯。

其五

委中曲腓裏橫紋脉中央。腰痛不能舉。沉沉引脊梁。痠疼筋莫展。風痺復無常。膝頭難伸屈。針入即安康。針五毫。禁灸。

其六

承山名魚腹腓腸分肉間。善治腰疼痛。痔疾大便難。脚氣并膝腫。展轉戰疼痠。霍亂及轉筋。穴中刺便安。針七分。禁五壯。

其七

太衝足大指節後二寸中。動脉知生死。能醫驚癇風。因疾

并心脹兩足不能行。七疔偏墜腫眼目似雲朦亦能療腰痛。針下有神功。針三分。灸三壯。

其八

崑崙足外踝跟骨上邊尋轉筋腰尻痛。暴喘滿中心舉步行不得。一動即呻吟。若欲求安樂。須於此穴針。針五分。灸三壯。

其九

環跳在髀樞側卧屈足取。折腰莫能顧。冷風并濕痺腿膝連膈痛。轉側重欬。欬若人針灸後頃刻病消除。針二寸。灸五壯。

其十

陽陵居膝下。外臚一寸中。膝腫并麻木。冷痺及偏風舉足

不能起坐。卧似衰翁。針入六分止。神功妙不同。灸三壯。

其十一

通里腕側後。去腕一寸中。欲言聲不出。慎惱及忪忪。實則四肢重。頭腮面頰紅。虛則不能食。暴瘡面無容。毫金十微微。刺方信有神功。針三分。灸三壯。

其十二

列缺腕側上。次指手交叉。善療偏頭患。遍身風痺麻。痰涎頻壅上。口噤不開牙。若能明補瀉。應手即如拏。針三分。灸五壯。

四總穴歌

肚腹三里留。腰背委中求。頭項尋列缺。面口合谷收。

肘後歌。

聚英

頭面之疾針至陰。腿脚有疾風府尋。心胃有病少府瀉。臍腹有病曲泉針。肩背諸症中渚下。腰膝強痛交信憑。脇肋腿叉後谿妙。股膝腫起瀉太衝。陰核發來如升大。百會妙穴真可駭。頂心頭痛眼不開。湧泉下針足安泰。鶴膝腫勞難移步。尺澤能舒筋骨疼。更有一穴曲池妙。根尋源流可調停。其患若要便安愈。加以風府可用針。更有手臂拘攣急。尺澤刺深去不仁。腰背若患攣急風曲池。一寸五分攻五痔。原因熱血作。承山瀉下病無踪。哮喘發來寢不得。豐隆刺入三寸深。狂言盜汗如見鬼。惺惺間使便下針。骨寒

隨冷火來燒。靈道妙穴分明記。瘧疾寒熱真可畏。須知虛
實可用意。間使宜透支溝中。大狂七壯合聖治。連日頻頻
發不休。金門刺深七分是。瘧疾三日得一發。先寒後熱無
他語。寒多熱少取復溜。熱多寒少用間使。或患傷寒熱未
收。牙關風壅藥難投。項強反張日直視。金針用意列缺求。
傷寒四肢厥逆冷。脉氣無時仔細尋。神竒妙穴真有二。復
溜半寸順骨行。四肢回還脉氣浮。須曉陰陽倒換求。寒則
須補絕骨是。熱則絕骨瀉。無憂脉若浮洪當瀉。解沉細之
時補便瘳。百合陽蹇最難醫。妙法神針用意推。口禁眼合
藥不下。合谷一針効甚奇。孤感傷寒滿口瘡。須下黃連犀

角湯。虫在臟腑食肌肉。須要神針刺地令傷寒腹痛虫尋
食吐。虻烏梅可難攻。十日九日必定死。手腕回還胃氣通。
傷寒痞氣結胃中。兩目昏黃汗不通。湧泉妙穴三分許。速
使周身汗自通。傷寒痞結脇積痛。宜用期門見深功。當汗
不汗合谷瀉。自汗發背復溜憑。飛虎一穴通痞氣。祛風引
氣使安寧。剛柔二症最乖張。口禁眼合面紅粧。熱血流入
心肺腑。須要金針刺少商。中滿如何去得根。陰包如刺効
如神。不論老幼依法用。須教患者便握身。打撲傷損破傷
風。先於痛處下針攻。後向承山立作効。甄權留下意無窮。
腰腿疼痛十年春。應針不了便惺惺。大都引氣探根本。服

藥尋方枉費金。脚膝經年痛不休。內外踝邊用意求。穴號崑崙并呂細。應時消散即時瘳。風痺痿厥如何治。大抒曲泉真是妙。兩足兩脇滿難伸。飛虎神灸七分到。腰軟如何去得根。神妙委中立見効。

回陽九針歌。

啞門勞宮三陰交。湧泉太谿中脘接環跳。三里合谷并。此是回陽九針穴。

針內障秘歌

楊氏

內障由來十八般。精醫明哲用心看。分明一一知形狀。下手行針自入玄。察他冷熱虛和實。多驚先服鎮心丸。弱翳細針粗撥老。針形不可一般般。病虛新瘥懷妊月。針後應知將息難。不雨不風兼吉日。清齋三日在針前。安心定志存真氣。念佛親姻莫雜喧。患者向明盤膝坐。醫師全要靜心田。有血莫驚須住手。裹封如舊勿頻看。若然頭痛不能忍。熟茶和服草烏煙。七日解封方視物。花生水動莫開言。還睛圓散堅心服。百日冰輪澈九淵。

針內障要歌

內障金針針了時。醫師治法要精微。綿包黑豆如毬子。眼
上安排慢熨之。頭邊鎮枕須平穩。仰臥三朝莫厭遲。封後
或然微有痛。腦風擗動莫狐疑。或針或熨依前法。痛極仍
將火熨宜。鹽白梅含止咽吐。大小便起與扶持。高聲叫喚
私人欲驚動。睛輪見雪飛。三七不須湯洗面。針痕濕着痛
微微。五辛酒麵周年慎。出戶升堂緩步移。雙眸睽睽康寧
日。狂客嗔予泄聖機。

補瀉靈心歌

聚英

行針補瀉分寒熱。瀉寒補熱須分別。然指向外瀉之方。然
指向內補之訣。瀉左須當大指前。瀉右大指當後。按補左
次指向前。搓補右大指往上。拽如何補瀉有兩般。蓋是經
從兩邊發。補瀉又要識迎隨。隨則為補。迎為瀉。古人補瀉
左右分。今人乃為男女別。男女經脉一般生。晝夜循環無
暫歇。兩手陽經從上頭。陰經胸走手指。輟兩足陽經頭走
足。陰經上走腹中結。隨則針頭隨經行。迎則針頭迎經奪。
更有補瀉定。吸呼吸瀉呼補。真奇絕。補則呼出。却入針。因
聲針用三飛法。氣至出針。吸氣入疾。而一退急。捫穴瀉則

吸氣方入針。因聲祖氣通身達氣至出針呼氣出。徐而三退穴開。捺此訣出自梓桑君。我今受汝心已雪。正是補瀉玄中玄。莫向人前輕易說。

行針總要歌

黃帝金針法最奇。短長肥瘦在臨時。但將他手橫紋處分寸尋求。審用之身體。心胸或是短身體。心胸或是長。求穴看紋。還有理醫工。此理要推詳。定穴行針。須細認。瘦肥短小。豈同群。肥人針入三分半。瘦體須當用二分。不肥不瘦不相同。如此之人。但着中。只在二三分內取用之。無失且收功。大飢大飽宜避忌。大風大雨亦須容。饑傷榮氣飽傷

腑更看人神俱避之妙針之法世間稀。多少醫工不得知。
寸寸人身皆是穴。但開筋骨莫狐疑。有筋有骨傍針去。無
骨無筋須透之。見病行針須仔細。必明升降開關時。邪入
五臟須早過。崇侵六脉浪翻飛。烏鳥穆穆空中墮。靜意冥
冥起發機。先補真陽元氣足。次瀉餘邪九度噓。同身逐穴
歌中取。捷法昭然徑不迷。百會三陽頂之中。五會天滿名
相同。前頂之上寸五取。百病能祛理中風。灸後火燥衝雙
目。四畔刺血令宣通。井泉要洗原針穴。針刺無如灸有功。
前頂寸五三陽前。甄權曾云一寸言。稜針出血頭風愈。鹽
油揩根病自痊。顙會頂前寸五深。八歲兒童不可針。顙門

未合邪堪灸二者須當記在心上星會前一寸酤神庭星
前髮際尋諸風灸庭為最妙庭星宜灸不宜針印堂穴並
兩眉攢素膠面正鼻柱端動脉之中定禁灸若燃此穴鼻
鼽痰水滿鼻下名人中兌端張口上唇宮斷交二齦中間
取承漿下唇宛內踪炷艾分半懸漿灸大則陽明脉不隆
廉泉宛上定結喉一名舌本立重樓同身捷法須當記他
日聲名播九州

行針指要歌

或針風先向風府百會中或針水心分俠臍上邊取或針
結針着大腸泄水穴或針勞瀕向膏肓及百勞或針虛氣

海丹田委中奇。或針氣膻中一穴分明記。或針嗽肺俞風門。須用灸。或針痰先針中脘三里間。或針吐中脘氣海膻中。補。番胃吐食一般醫。針中有妙少人知。

刺法啓玄歌

六言

十二陰陽氣血凝滯全憑針。細推十五行謹按四時八節出入要知先後開闔慎毋妄別。左手按穴分明右手持針親切。刺榮無傷衛氣刺衛無傷榮血。循捫引導之因呼吸調和寒熱補即慢慢出針。瀉即徐徐閉穴。發明難素玄微。俯仰岐黃秘訣。若能勞心勞力。必定愈明愈悟。譬如閉戶造車。端正出門。合轍倘逢志士細推。不是知音莫說。

了却箇中規模便是醫中俊傑

針法歌

先說平針法。含針口內溫。按標令氣散。指穴故教深。持針安穴上。令他嗽一聲。隨嗽歸天部。停針再至人。再停歸地部。待氣候針沉。氣若不来。至指甲切其經。次提針向病針退。天地人。

補必隨經刺。令他吹氣頻。隨吹隨左轉。逐歸天地人。待氣停針久。三彈更熨溫。出針口吸氣急急閉其門。瀉欲迎經取。吸則內其針。吸時頭右轉。依次進天人。轉針仍復吸。依法要停針。出針吹口氣搖動大其門。

策

楊氏考卷

問人之一身。猶之天地。天地之氣。不能以恒順。而必待於範圍之功。人身之氣。不能以恒平。而必待於調攝之技。故其致病也。既有不同。而其治之。亦不容一律。故藥與針灸。不可缺一者也。然針灸之技。皆之專門者。固各有方書。若素問針灸圖。千金方。外臺秘要。與夫補瀉灸刺諸法。以示來世矣。其果何者而為之原歟。亦豈無得失。去取於其間歟。諸生以是名家者。請詳言之。

對曰。天地之道。陰陽而已矣。夫人之身。亦陰陽而已矣。陰陽者。造化之樞紐。人類之根抵也。惟陰陽得其理。則氣和。

氣和則形亦以之和矣。如其拂而戾焉。則贊助調攝之功。自不容已矣。否則在造化不能為天地立心。而化工以之而息。在夫人不能為生民立命。而何以臻壽考無疆之休哉。此固聖人贊化育之一端也。而可以醫家者流。而小之耶。愚嘗觀之。易曰。大哉乾元。萬物資始。至哉坤元。萬物資生。是一元之氣流行於天地之間。一闢一闢。往來不窮。行而為陰陽。布而為五行。流而為四時。而萬物由之以化生。此則天地顯仁藏用之常。固無庸以贊助為也。然陰陽之不能以無絀而兩暢。寒者不能以時若。則範圍之功。有待於聖人也。故易曰。后以裁成天地之道。輔相天

地之宜。以左右民。此其所以人無夭札。物無疵厲。而以之
收立命之功矣。然而吾人。同得天地之理。以為理。同得天
地之氣。以為氣。則其元氣流行於一身之間。無異於一元
之氣。流行於天地之間也。上何喜怒哀樂。心思嗜慾之汨
於中。寒暑風雨。溫涼燥濕之侵於外。於是有疾在腠理者。
焉。有疾在血脉者。焉。有疾在腸胃者。焉。然而疾在腸胃。非
藥餌不能以濟。在血脉。非針刺不能以及。在腠理。非熨病
不能以達。是針灸藥者。醫家之不可缺一者也。夫何諸家
之術。惟以藥。而於針灸。則併而棄之。斯何以保其元氣。以
收聖人壽民之仁心哉。然是針與灸也。亦未易言也。孟子

曰離婁之明。不以規矩。不能成方圓。師曠之聰。不以六律。不能正五音。若古之方書。固離婁之規矩。師曠之六律也。故不遯其原則。無以得古人立法之意。不窮其流。則何以知後世變法之弊。今以古之方書言之。有素問難經焉。有靈樞銅人圖焉。有千金方。有外臺秘要焉。有金蘭循經。有針灸雜集焉。然靈樞之圖。或議其大繁而雜。於金蘭循經。或嫌其太簡而畧。於千金方。或詆其不盡傷寒之數。於外臺秘要。或議其為醫之蔽。於針灸雜集。或論其未盡針灸之妙。邇而言之。則惟素難為最要。蓋素難者。醫家之鼻祖。濟生之心法。垂之萬世而無弊者也。夫既由素難以遯其

原。又由諸家以窮其流。採脉絡。索榮衛。診表裏。虛則補之。實則瀉之。熱則涼之。寒則溫之。或通其氣血。或維其真元。以律天時。則春夏刺淺。秋冬刺深也。以襲水上。則濕致高原。熱處風涼也。以取諸人。肥則刺深。瘠則刺淺也。又由是而施之以動搖。進退撻彈。攝按之法。示之以喜怒憂懼。思勞。醉飽之忌。窮之以井榮俞經合之源。究之以主客標本之道。迎隨開闔之機。夫然後陰陽和。五氣順。榮衛固。脉絡綏。而凡腠理血脉。四體百骸。一氣流行。而無壅滯痿痺之患矣。不猶聖人之裁成輔相。而一元之氣周流於天地之間乎。先儒曰。吾之心正。則天地之心亦正。吾之氣順。則天

地之氣亦順此固贊化育之極功也。而愚於醫之灸刺也亦云。

問灸穴須按經取穴。其氣易連。而其病易除。然人身三百六十五絡。皆歸於頭。頭可多灸歟。灸良已間有不發者。當用何法發之。

嘗謂穴之在人身也。有不一之名。而灸之在吾人也。有至一之會。蓋不知其名。則昏謬無措。無以得其周身之理。不觀其會。則散漫靡要。何以達其貫通之原。故名也者。所以盡乎周身之穴也。固不失之太繁。會也者。所以貫乎周身之穴也。亦不失之太簡。人而知乎此焉。則孰簡可以御繁。

觀會可以得要。而按經治疾之餘。尚何疾之有不愈。而不
足以仁壽斯民也哉。

執事發策。而以求穴在乎按經。首陽不可多矣。及所以發
灸之術。下詢承學。是誠究心於民瘼者。愚雖不敏。敢不掇
述所聞。以對。嘗觀吾人一身之氣。周流於百骸之間。而統
之則有其宗。猶化工一元之氣。磅礴於乾坤之內。而會之
則有其要。故仰觀於大。其星辰之真麗。不知其幾也。而求
其要。則惟以七宿為經。二十四曜為緯。俯察於地。其山川
之流峙。不知其幾也。而求其要。則惟以五嶽為宗。四瀆為
委。而其他咸弗之求也。天地且然。而況人之一身。內而五

臟六腑外而四體百形。表裏相應。脈絡相通。其所以生息不窮。而肖形於天地者。寧無所綱維統紀于其間耶。故三百六十五絡。所以言其煩也。而非要也。十二經穴。所以言其法也。而非會也。總而會之。則人身之氣。有陰陽。而陰陽之運。有經絡。循其經而按之。則氣有連屬。而穴無不正。疾無不除。譬之庖丁解牛。會則其湊。通則其虛。無假斤斲之勞。而頃刻無金牛馬何也。彼固得其要也。故不得其要。雖取穴之多。亦無以濟。人苟得其要。則雖會通之簡。亦足以成功。惟在善灸者加之意焉耳。自今觀之。如灸風而取諸風池。百會。灸勞而取諸膏肓。百勞。灸氣而取諸氣海。灸水

而取諸水分。欲去腹中之病。則灸三里。欲治頭目之疾。則灸合谷。欲愈腰腿。則取環跳。風市。欲拯手臂。則取肩髃。曲池。其他病以人殊。治以疾異。所以得之心而應之手者。罔不昭然。有經絡在焉。而得之。則為良醫。失之。則為粗工。凡以辨諸此也。至於首為諸陽之會。百脉之宗。人之受病。固多。而吾之施灸。宜別着不察其機。而多灸之。其能免夫頭目眩暈。還視不明之咎乎。不審其地。而併灸之。其能免夫氣血滯絕。肌肉皯薄之忌乎。是百脉之皆歸於頭。而頭之不可多灸。尤按經取穴者之所當審心也。若夫灸之宜發。或發之有速。而有遲。固雖係於人之強弱不同。而吾所以

治之者可不爲之所耶。觀東垣灸三里七壯不發而復灸以五壯即發。秋夫灸中脘九壯不發而漬以露水熨以熱殭燠以赤葱即萬無不發之理。此其見之圖經玉樞諸書蓋班班具載可考而知者。吾能按經以求其原而又多方以致其發自無患乎氣之不連疾之不瘳而于灼艾之理斯過半矣。抑愚又有說焉。按經者法也而所以神明之者心也。蘇子有言一人飲食起居無異於常人而愀然不樂問其所苦且不能自言此庸醫之所謂無足憂而扁鵲倉公之所望而驚焉者。彼驚之者何也病無顯情而心有默識誠非常人思慮所能測者。今之人徒曰吾能按經吾能

取穴而不干心爲求之。譬諸刻舟而求劍膠柱而鼓瑟其
療人之所不能療者。吾見亦罕矣。然則善灸者奈何。靜養
以虛此心。觀變以運此心。旁求搏米以擴此心。使吾心與
造化相通。而於病之隱顯昭然無道情焉。則由是而求孔
穴之開闔。由是而察氣候之疾徐。由是而明呼吸補瀉之
宜。由是而達迎隨出入之機。由是而酌從衛取氣從榮置
氣之要。不將從手應心得魚兔而忘筌蹄也哉。此又岐黃
之秘術。所謂百尺竿頭進一步者。不識
執事以爲何如。

問九針之法。始於岐伯。其數必有取矣。而灸法獨無數。

焉。乃至定穴均一審慎。所謂竒穴。又皆不可不知也。試
言以考術業之專工。

嘗謂針灸之療疾也。有數有法。而惟精於數法之原者。斯
足以窺先聖之心。聖人之定穴也。有竒有正。而惟通於竒
正之外者。斯足以神濟世之術。何也。法者針灸所立之規
而數也者。所以紀其法。以運用於不窮者也。穴者針灸所
定之方。而竒也者。所以翊夫正。以旁通於不測者也。數法
肇於聖人。固精蘊之所寓。而定穴。兼夫竒正。尤智巧之所
存。善業醫者。果能因法以詳其數。緣正以通其竒。而於聖
神心學之要。所以默蘊於數法竒正之中者。又皆神而明

之焉。尚何術之有不精而不足以康濟斯民也哉。

執事發策而以針灸之數法奇穴下詢承學。蓋以術業之專工者望諸生也。而愚豈其人哉。雖然。一介之士苟存心於愛物於人必有所濟。愚固非工於醫業者。而一念濟物之心特惓惓焉。矧以

明問所及敢無一言以對。夫針灸之法果何所昉乎。粵稽上古之民。太朴未散。元醇未漓。與草木蓁蓁然與鹿豕。杯桮然。方將相忘於渾噩之天。而何有於疾。又何有於針灸之施也。自羲農以還。人漸流於不古。而朴者散。醇者漓。內焉傷於七情之動。外焉感於大氣之侵。而衆疾胥此乎交。

作矣。岐伯氏有憂之。於是量其虛實。視其寒溫。酌其補瀉。而制之以針刺之法焉。繼之以灸火之方焉。至于定穴。則自正穴之外。又益之以奇穴焉。非故為此紛紛也。民之受疾不同。故所施之術或異。而要之非得已也。勢也。勢之所趨。雖聖人亦不能不為之所也。已然。針固有法矣。而數必取於九者。何也。蓋天地之數。陽主生。陰主殺。而九為老陽之數。則期以生人。而不至於殺人者。固聖人取數之意也。今以九針言之。燔熱侵頭身。則法乎天。以為鑱針。頭大而末銳。馬氣滿於肉分。則法乎地。以為圓針。身圓而未鋒。馬銹如黍米之銳者。為鍤針。主按脉取氣。法乎人也。乃有三

隅之象者。為鋒針。主瀉導癰血。法四時也。鉞針以法音。而末如劍鋒者。非所以破癰膿乎。利針以法律。而支似毫毛者。非所以調陰陽乎。法乎星則為毫針。支如蚊虻。可以合經絡。却諸疾也。法乎風則為長針。形體鋒利。可以去滌邪。療痺癢也。至於燔針。則其支如挺。而所以主取大氣。不出關節者。要亦取法於野而已矣。所謂九針之數。此非其可考者耶。然灸亦有法矣。而獨不詳其數者。何也。蓋人之肌膚有厚薄。有深淺。而火不可以槩施。則隨時變化。而不泥於成數者。固聖人望人之心也。今以灸法言之。有手太陰之少商焉。灸不可過多。多則不免有肌肉單薄之忌。

有足厥陰之章門焉。灸不可不及，不及則不免有氣血壅滯之嫌。至於任之承漿也，督之脊中也，手之少冲，足之湧泉也，是皆由之少商焉。而灸之過多，則致傷矣。春背之膏肓也，腹中之中脘也，足之三里，手之曲池也，是皆猶之章門焉。而灸之愈多，則愈善矣。所謂灸法之數，此非其彷彿者耶？夫有針灸，則必有會數法之全。有數法，則必有所定之穴。而奇穴者，則又旁通于正穴之外，以隨時療症者也。而其數維何？吾嘗考之圖經，而知其七十有九焉。以鼻孔則有迎香，以鼻柱則有鼻準，以耳上則有耳尖，以舌下則有金津玉液，以肩間則有魚淵，以肩後則有太陽，以手太

指則有骨空以手中指則有中魁。至於八邪八風之穴十

宣五虎之處。內除癰疽鬼眼髓骨四縫中泉四

關凡此皆奇穴之所在而九針之所刺者刺以此也灸法

之所施者施以此也苟能即此以審慎之而臨症定穴之

鮮有不各得其當者乎。雖然此皆迹也而非所以論於數

法奇正之外也。聖人之情因數以示而非數之所能拘。因

法以顯而非法之所能泥。用定穴以垂教而非奇正之所

能。神而明之亦存乎其人焉耳。故善業醫者苟能旁通

其數法之原。其奇正之奧。時可以針而針時可以灸

而灸時可以補而補時可以瀉而瀉或針灸可並舉則並

舉之或補瀉可並行則並行之治法因乎人不因乎數變
通隨乎症不隨乎法定穴主乎心不主乎奇正之陳迹譬
如老將用兵運籌攻守坐作進退皆運一心之神以為之
而凡烏占雲稜金版六韜之書其竹具載方畧咸有所不
拘焉則兵惟不動動必克敵醫惟不施施必療疾如是雖
謂之無法可也無數可也無奇無正亦可也而有不足以
稱神醫於天下也哉官見如斯惟
執事進而教之

問病有先寒後熱有先熱後寒者然病固有不同而針
刺之法其亦有異乎請試言之

對曰病之在天人也。有寒熱先後之殊。而治之在吾人也。有同異後先之辨。蓋不究夫寒熱之先後。則謬焉無措。而何以得其受病之源。不知同異之後先。則漫焉無要。而何以達其因病之治。此寒熱之症。得之有先後者。感於不正之氣。而適投於腠理之中。治寒熱之症。得之有後先者。乘其所致之由。而隨加以補瀉之法。此則以寒不失之慘。以熱則不過於灼。而疾以之而愈矣。是於人也。寧不有濟矣乎。請以一得之愚。以對揚。

明問之萬一何如。蓋嘗求夫人物之所以生也。本之於太極。分之為二氣。其靜而陰也。而復有陽以藏於其中。其動

而陽也。而復有陰以根於其內。惟陰而根乎陽也。則往來不窮。而化生有體。惟陽而根乎陰也。則顯藏有本。而化生有用。然而氣之運行也。不能無愆和之異。而人之罹之也。不能無寒熱之殊。是故有先寒後熱者。有先熱後寒者。先寒後熱者。是陽隱於陰也。可徒以陰治之。則偏於陰。而熱以之益熾矣。其先熱後寒者。是陰隱於陽也。使一以陽治之。則偏於陽。而寒以之益慘矣。夫熱而益熾。則變而為三陽之症。未可知也。夫寒而益慘。則傳而為三陰之症。未可知也。而治之法。當何如哉。吾嘗考之圖經。受之父師。而先寒後熱者。須施以陽中隱陰之法焉。於用針之時。先入五

分。使行九陽之數。如覺稍熱。更進針。令入一寸。方行六陰之數。以得氣為應。天如是。則先寒後熱之病。可除矣。其先熱後寒者。用以陰中隱陽之法焉。於用針之時。先入一寸。使行六陰之數。如覺微涼。即退針。漸出五分。却行九陽之數。亦以得氣為應。天如是。則先熱後寒之疾。瘳矣。夫曰先曰後者。而所中有榮有衛之殊。曰寒曰熱者。而所感有陽經陰經之異。使先熱後寒者。不行陰中隱陽之法。則失夫病之由來矣。是何以得其先後之宜乎。如先寒後熱者。不行陽中隱陰之法。則不達夫疾之所致矣。其何以得夫化裁之妙乎。抑論寒熱之原。非天之傷人。乃人之自傷耳。經

曰邪之所湊其氣必虛。自人之蕩真於情竇也。而直者危。喪志於外華也。而醇者漓。眩心於物牽也。而萃者渙。汨情於食色也。而完者缺。勞神於形役也。而堅者駁。元陽喪。正氣亡。寒毒之氣乘虛而襲。苟能養靈泉於山下。出泉之時。契妙道於日落萬川之中。嗜慾淺而天機深。太極自然之體立矣。寒熱之毒雖威。將無隙之可投也。譬如墻壁固。賊人烏得而肆其虐哉。故先賢有言曰。夫人與其治病於已病之後。孰若治病於未病之先。其寒熱之謂歟。